

Hepi istai go long yupela olgeta!
Tingim dai bilong em,
Jisas..



Namba 5 Pasifik Tuna Forum i redi nau

Frieda Sila Kana i raitim

PASIFIK Tuna Forum namba 5 em i redi long kamap nau long Sofitel Hotel, Denarau Ailan long Ripablik bilong Fiji long Septemba 22 na 23, dispela yia tasol.

Long wanpela nius konprens long asde, Menesing Dairekta bilong Nesenel Fiseris Atoriti, John Kasu wantaim ol opisa bilong en i bin tok olsem olgeta tok wanbel i

kamap pinis olsem Namba 5 Pasifik Tuna Forum bai kamap tru long Ripablik bilong Fiji.

Mista Kasu i bin singaut long ol nius lain long Pot Mosbi long autim toktok bilong dispela Tuna Forum olsem ol i bin putim singaut i go pinis long ol bisnis haus na ol gavman dipatmen long kisim spon-sasip bilong dispela bikpela bung.

Pasifik Tuna Forum em i wanpela bung bilong ol kantri long

Pasifik husat i save wokim bisnis long kisim pis tuna na salim we Papua Niugini em i namba wan tru long dispela. Em i wanpela bikpela wok we PNG Gavman wantaim helpim bilong Nesenel Fiseris Atoriti i bin go pas tru long dispela.

Stat long 1980 INFOFISH, em i wanpela inta-gavman ogenaisesen we PNG em i memba long en i save go pas long holim Wol Tuna Konprens long olgeta tupela yia

long Bangkok, Tailan.

Na insait long dispela Wol Tuna Konprens, PNG na ol narapela Pasifik Ailan Kantri i save sindaun na lukluk tasol bikos ol i save lukluk moa long ol lain kantri bilong Esia, Yurop na Yunaitet Stets husat i bikpela tru long wok bilong tuna long wol.

Long 2006 insait long wanpela bilong ol Wol Tuna Konprens, PNG i bin tok save long miting olsem 50 pesen bilong Wol Tuna Pis i save kam long ol solwara na biksolwara bilong Westen na Sentral Pasifik rijon na olsem ol Pasifik Ailan i mas kisim sampela bikpela luksave long wok bilong tuna.

Long dispela taim nau ol lain i memba long Nauru Agrimen (PNA) i stat long bungim wantaim olsem wanpela strongpela grup bilong tuna fiseris menesmen.

INFOFISH Gavaning Kaunsil long Desemba 2006 i toktok moa long wanpela Pasifik Tuna Forum i mas kamap. Olsem na ol i wanbel olsem PNG bai go pas long papa long dispela tingting na ogenaisim Forum wantaim INFOFISH Seketeriet.

Olsem na stat long 2007 Pasifik Tuna Forum i kamap na olgeta tupela yia ol i save holim long wan wan memba kantri.

Long dispela yia, Nesenel Fiseris bai bringim wanpela deliget wantaim 50 o 80 memba i go long Fiji. Ol i lukluk long kisim 100 o moa sponsa bilong holim dispela forum. Na long ol dispela kampani na dipatmen husat i sponsa, NFA bai givim 5-pela komplimentri pas.

I go moa long pes 23...

INSAIT:



Gavana Parkop givim Pasifik Gems tiket - P4

Redcross halivim long ol disasta provins - P11



Laipstail



Kainkain bisnis bilong ol meri long painim mani - P14



Tupela Bisop kisim medol

(l-r) Bisop Francesco Sarego, SVD, DD na ritaia Bisop Henk te Maarsse SVD, DD wantaim Logohu medal bilong tupela. Foto: Nicky Bernard . *Stori long pes 12...*

CONNECTING YOU TO
ASIA & BEYOND

Experience a new level of comfort and service.

Air Niugini
www.airniugini.com.pg
EXCLUSIVE CARRIER FOR THE 2015 PACIFIC GAMES

Basil tok ol MP ken bagarapim wok bilong Ombudsmen Komisnin

Stanley Nondol i raitim

DEPUTI oposisen lida na memba bilong Bulolo, Sam Basil i tok em i pret ol memba bai stopim wok bilong Ombudsmen Komisnin.

Em i tok nau yet lida bilong kantri na planti memba i stap long lista bilong Ombudsmen Komisnin (OC) bikos ol i mekim sampela asua.

Mista Basil i tok sapos ol dispela lida husat i gat asua i holim wok yet, bai wok bilong Ombudsmen Komisnin i no inap sindaun gut.

Mista Basil i mekim dispela toktok bihain long planti memba bilong palamen insait long O'Neill gavman i wok long bungim ol hevi we wok painim bilong OC i tok ol i gat ol sas long bekim long ai bilong kot.

Lida bilong Pangu Pati i tok namba bilong ol memba bilong O'Neill em OC i salim

long Pablik Prosekiuta em antap moa na winim ol gavman bilong bipo.

Em i tok planti ol memba insait long gavman we OC tok bai ol bungim ai bilong kot i stap yet na mekim wok yet. Em i tok ol i ken yusim namba pawa na senisim ol lo na mekim wok bilong OC bai no gat pawa o ol i ken pasim opis bilong OC.

Ol sampela minista insait long O'Neill gavman we wok painim bilong OC i tok ol i gat sas long bekim em; Francis Awesa (Minista bilong Woks), (Delailah Gore (Minista bilong Kommunity Developmen), Boka Kondra (Minista bilong Kalsa na Turism), Ben Micah (Minista bilong Stet Entaprais), Puka Temu (Minista bilong Pablik Sevis).

Mista Basil i tok namba wan bos bilong gavman wantaim planti ol minista bilong em ol i gat sas long bekim.

Em i tok ol dispela minista i stap yet long posisen bilong gavman olsem minista na i ken mekim kain kain samting olsem kontrolim ol DSIP na PSIP mani bilong ol memba bilong palamen husat stap long bek bens na oposisen long kisim sapot long ol memba nating long kamapim senis long ol lo bilong kantri.

Mista Basil i singaut long ol bekbensa memba insait long gavman long kam aut nau bikos hetman bilong kantri i gat keis bilong OC stap yet na planti ol minista i go long bihainim wankain rot.

Dispela i soim kliia olsem dispela gavman em ol lida i ranim i pulap long planti pasin korapsen.

Em i tok sapos ol memba i wok long sapotim ol dispela lida, ol i sapotim korapsen na kantri i no laikim dispela kain lida long menesim risos na mekim disisen bilong 8 milien pipel bilong Papua Niugini.

Ol US saveman long ileksen bai helpim Bogenvil ileksen

TRIPELA senia Yunaitet Nesenel (UN) ilektoral saveman i kamap pinis long Papua Niugini long helpim Bogenvil Ilektoral Komisina long holim Bogenvil ileksen long mun Me.

Dispela UN tim bai wok long sapotim Opis bilong Bogenvil Ilektoral Komisina (OBEC) na wok wantaim ol narapela developmen patna husat i wok long helpim long kamapim dispela ileksen.

Ol liklik hap wok ol tripela man bai wokim em long wok bilong developmen bilong step-by-step ilektoral sapotim; givim teknikal tok stia long wokim sapotim; kodinetim wok bilong ol intenesenel obseva; trenim ol ileksen skrutinia; kamapim trening samting na givim han long trenim ol meri kenidet.

Ray Kennedy tim lida na lid ilektorel edvais bilong projek bai stap long Bogenvil long stat i go inap pinis bilong ol ileksen. Em bai go pas long wanpela sesen bilong lukluk i go bek long ileksen bihain long ol ileksen i pinis.

Wanpela memba bilong tim em Duarte Branco, wanpela man i gat save long media rilesen, ilektoral asistens na repot long planti hap

long graun we ileksen i save kamap olsem. Em bai go pas long olgeta komyunikesen na pablik rilesen wok bilong ol ileksen.

Narapela em Peter Lepesch, em i wanpela man i gat save long stretim ol hevi bilong ileksen.

Dispela UN tim em i wanpela hap bilong bikpela sapot bilong UN long helpim 2015 Bogenvil Jeneral Ilekseen we ol i holim bihainim singaut bilong Gavman bilong PNG na ABG long UN bai helpim long Bogenvil ileksen.

Projek i stap aninit long UNDP na em bai ran long Mas i go Julai 2015.

Hela profesi i karim kaikai: Andagali

Stanley Nondol i raitim

"LIGHT UP HELA" o givim lait long Hela, em i wanpela tok profesi bilong Hela na as bilong em i olsem, yusim ol risos bilong Hela na givim lait long Hela provins na long wol tu.

Siaman bilong PNG Pawa Limited, Larry Andagali i mekim sampela liklik toktok long dispela profesi taim em i sainim agrimen wantaim Oil Search long yusim oil na ges bilong Hela long givim pawa saplai long Hela provins.

Mista Andagali em pikinini Hela na em i siaman bilong PNG Pawa. Em sainim agrimen wantaim developa bilong oil na ges bilong Hela long givim sevis i go bek long ol Hela i tok, i gat dispela tok promis bilong laitim Hela i stap bipo yet na ating em i karim kaikai nau.

Long wankain taim, Menesing Dairekta bilong ExxonMobil PNG, Andrew Barry i sainim agrimen wantaim PNG Pawa long salim 25 megawat long helpim pawa saplai bilong Pot Mosbi.

Praim Minista Peter O'Neill i tok PNG gavman na ExxonMobil i sainim agrimen pinis long ExxonMobil bai salim 25 megawat long Pot Mosbi pawa grid na Oil Search i sainim pinis long laitim Hela provins wantaim ges bilong Hela provins yet.

Long dispela wik Trinde ol patna i kam wantaim na sainim agrimen bilong salim ges i go long PNG Pawa long apim Pawa Saplai long Pot Mosbi long 25 megawat na narapela 50 megawat moa bai ExxonMobil i salim bihain long PNG Pawa aninit long agrimen.

Dispela sainim bilong sel agrimen bai lukim prais bilong baim pawa bil bai kam

daun long 50 pesen stat long Jun na Julai taim 25 megawat saplai i kam inait.

Mista Andagali i tok dispela 25 megawat bai stat long Julai 1 na em i rait taim bilong helpim pawa long no ken blekaut long taim bilong 2015 Pasifik Gems bai stat long Julai 4.

Praim Minista O'Neill i tok i gat plen long gavman bai yusim ges long apim pawa saplai long planti provins long kantri na ol wok olsem fisibiliti stadi i kamap long sampela provins pinis na wok long go het long narapela ol provins.

Em i tok ol gavman bilong bipo i lus tingting long stretim pawa na lukim planti ol fesiliti olsem masin na ol samting bilong wok long PNG pawa em olpela na i kamapim hevi olsem blekaut.

Misa O'Neill i tok gavman bai stretim Ramu Haidro na ol arapela senta we i save jeneretim pawa saplai.

TI PNG askim long saspensen bilong CSTB opisa

Transperensi Intenesenel PNG (TI PNG) i autim wari bilong en long harim olsem Siaman bilong Sentral Saplai na Tendas Bot (CSTB) i saspensim wanpela opisa bilong en bihain long dispela opisa i mekim sampela toktok long wanpela bung bilong ol lida long Mosbi las wik.

Ombudsmen Komisnin i bin go pas long dispela Lidasip Samit o bung we ol lida bilong ol han bilong gavman i bin kamap na toktok long wok na ol salens ol i save bungim.

Wanpela opisa bilong CSTB i bin toktok long ol lain i no bi-

hainim stret pasin bilong aplai na winim tenda. Ripot i kam long TI PNG i tok Siaman bilong CSTB i ol toktok bilong dispela opisa i daunim nem bilong opis na i mekim ol kontrakta na arapela lain i tingting planti long wok bilong CSTB.

TI PNG i tok dispela pablik sevan i tok stret long ol hevi i save kamap long dispela pasin bilong givim tenda na em i kisim bikpela mekim save.

TI PNG i tok olgeta kontrakta na ol dona ejensi na ol pablik i save wari long

wanem samting i kamap long taim bilong givim kontrak bilong tenda. Ol i givim eksampel bilong CSTB i givim kontrak bilong medikol saplai long 2013.

Em i tok dispela kontrak i lukim ol pipel bilong PNG i baim K71 milien long wan wan yia i go long saplaia husat i putim K20 milien moa long ol arapela saplaia.

TI PNG i tok tu olsem i mas gat wanpela lo bilong lukautim ol lain husat i opim maus na tokaut long wanem samting i no stret o sapos ol i lukim ol lain i brukim lo.



Hepi Ista! tingim, em i dai long yumi olgeta..

Tingim dispela spesol de bilong em, Jisas Krais



PNG Pawa Siaman, Larry Andagali i sainim agrimen wantaim bikman bilong Oil Search, Gereaa Aopi na Praim Minista O'Neill i witnesim long palamen haus long dispela wik Trinde. Foto: Nicky Bernard

Wok i kamap long Hailans Haiwe



STRETIM HAIWE ROT: Ol wokman I stretim ol kalvet long Leron Bris long Hailans Haiwe, tasol I stap long Morobe Provins sait. Ol woklain I putim 36 mita kalvet long Leron long mekim I go bikpela long abrusim taitwara I bagarapim na karim bris. Gavman bilong Australia I wok long dispela projek aninit long Trensport Sektorel Progrem olsem komitmen bilong em long helpim PNG wantaim ol rot na bris samting. Sapos ol I disainim na mentenim gut ol kalvet, em bai daunim ol hevi long taitwara karim ol bris na pasim Hailans Haiwe.
Poto: TSSP Midia

WOK i kamap nau long traime stopim bikpela ren i bagarapim Hailans Haiwe rot long Leron, insait long Morobe provins.

Trensport Sekta Sapot Program (TSSP) we gavman bilong Australia i fandim long sapotim ol infrastraksa wok long PNG i wok long dispela projek.

Ol i rausim olpela rot bilong wara long ran long wanem em bai i kamapim hevi long ol trenspot i save yusim dispela rot na long ol komyuniti long hap. Nupela rot bilong wara long ran i bikpela.

Ol lokal komyuniti i amamas long helpim dispela kontraksen long wanem ol i laik lukim dispela rot i redi long bihain.

Wopa Kontraksen (PNG) Limited bai wok long dispela projek. Ol i sanapim ol wol pinis long redi long ren wara long dispela K4.4 milien wok.

Provinsal Sivil Ensinia, Gibson Holemba, i tok dispela nupela rot bilong wara bai hepim long sefti na gutpela bilong rot we bai i helpim komyuniti tasol velui bilong em i abrusim lokal eria.

Mista Holemba i tok dispela i bikpela samting long kantri long wanem planti bisnis i save yusim Hailans Haiwe.

I gat wanpela bris ol i mekim bai sanap liklik taim tasol na ol pipel i ken yusim taim ol i wok long bikpela bris.

Ol 40 loya i strongim save long kriminal lo

OL 40 loya long Opis bilong Pablik Prosekuta na Pablik Solisita Opis i strongim ol save bilong ol na wok wantaim Kwinslen Sif Jastis Timothy Carmody na 7-pela barista long Kwinslen Ba long Pot Mosbi long las mun.

Gavman bilong Australia i fandim dispela kriminel lo advokesi woksop we i lukluk long stretim ol save bilong ol long kamapim trail. Ol i mekim bilong ol loya long tupela sait wantaim.

Aninit long lukaut bilong Kwinslen Sif Jastis na ol narapela Australia barista, husat i stap insait long dispela i lainim gut na redim gut long presentim ol evidens na ol agumen long kot.

Dispela bai kamapim gut save bilong ol loya long givim sapotim ol jas long ol trail kaunsel long kamapim jastis.

Deputi Pablik Prosekuta, Ravunama Auka i tok, "Dispela woksop bai helpim long presentim ol gutpela kriminal kes long ol kot we i bai impruvim gut kwalati bilong ligel sevis i gutpela long ol pipel bilong PNG."

Gavman bilong Australia i givim K109, 000 long yusim long dispela kos, na Sif Jastis bilong Kwinslen na ol 7-pela barista long Australia i ranim dispela kos nating.

Gavman bilong Australia i bai strongim ol ligel sevis long PNG, givim mani na sapot insait long Strongim Gavman Program na PNG-Australia Lo na Jastis Patnasip – Trensisen Program.



2015 Pacific Games **TICKET GIVEAWAY!**

Simply purchase airtime **TOP UPS** via BSP Mobile Banking during **APRIL** to be selected. Customers will be contacted directly with details posted on BSP's Social Media.

TOP UP NOW *131#



20 x general admission double passes plus 1 major pass to be given away weekly.

www.bsp.com.pg  



Riviu bilong dispela wik

Gavana Parkop givim Pasifik Gems tiket

Stanley Nondol i raitim

TUPELA meri i kisim luksave long hatwok bilong tupela wantaim tiket bilong Pasifik Gems long gavana bilong Nesenel Kepitol Distrik, Powes Parkop.

Prinsipal bilong Katolik Jubili Sekenderi Skul long Pot Mosbi, Bernadette Ove na wokmeri bilong Air Niugini Esther Sapulai i kisim tiket bilong VIP long Gavana Parkop. Tupela bai go long gren sten long taim bilong opening seremoni long Julai 4.

Misis Ove i wok olsem tisa na em i prinsipal long Jubili Sekenderi olsem 15 yia na Misis Sapulai i wok wantaim Air Niugini moa long 40 yia.

Gavana Parkop em i namba wanman long baim 2015 Pasifik Gem tiket long long K400, wanpela long K200 long taim bilong tokaut long salim tiket las wik. Na em i givim long tupela meri ya long luksave long servis bilong tupela long komyuniti na kantri.

Minista bilong Spot na Pasifik Gems Justin Tkatchenko i tok long pela taim bilong wet long lukim

Pasifik gems pinis nau na klostu bai Gems i kamap.

Opisal Sponsa bilong gems, Benk Saut Pasifik i tokaut long dispela taim olsem em i salim 650,000 tiket bilong olgeta gem bai kamap long 3-pela wik bilong Julai, stat long Julai 4.

Mista Tkatchenko tu i opim kol senta bilong Pasifik Gems, hotlain namba em 1802015. Yu ken ringim dispela namba na givim ditel na baim tiket long ol BSP benk brens ol i makim long salim tiket. Olgeta infomesen bai yu kisim long dispela hotlain namba.

Bikpela tok save BSP i givim em olsem bai ol i no inap salim tiket long get long kisim kes mani olsem ol arapela gem. Olgeta tiket ol i salim long mak bilong sia insait long gem eria na taim tiket i pinis bai hat long baim long kes mani.

BSP bai salim ol tiket insait long wanpela mun long mak bilong K10 long wan wan bilong gem na go antap.

Sif Eksektiv Opisa (CEO) bilong Gems Ogenaising Komiti (GOC), Peter Stewart i tok prais bilong tiket em i kam daun na i isi long baim na

lukim ol bikpela pilai bilong Pasifik i kamap long kantri, na em i sans long lukim ol bikpela nem etlit bai pilai long hia.

Gavana Parkop i singaut long ol pipel bilong PNG long lukautim siti na putim smail long fes na welkamim ol visita taim ol i kam long Pot Mosbi siti.

Pasifik Gems tiket bai ol i salim long ol BSP brens em long Lae (Top taun na maket), Wewak, Madang, Hagen, Goroka, Kimbe na Alotau.

Na long Pot Mosbi long Dauntaun, Haba Siti, Boroko, Waigain Draiv, Waigani Benking Senta, Visin Siti, Wata Fran, Sampela moa outlet bai ol long dispela mun.

Long poto em (long left han i go long rait han); Spot Minista, Justin Tkatchenko, Esther Sapulai, Bernadette Owe na Gavana Parkop. Misis Sapulai na Misis Ove i soim tiket bilong opening seremoni gavana i baim bilong tupela. Poto: Nicky Bernard



Maladina bai sanap long kot

Bipo siaman bilong NASFAN Jimmy Maladina bai sanap long kot trail long Me 4 long ol hevi bin kamap long NASFAN long taim em i bin siaman.

Maladina i stap long kot beil olsem 10-pela yia nau bihain long gavman i salim em i kam bek long PNG long Australia. Na dispela hevi bin stap nating inap planti yia na i kirap gen taim Mista Maladina i kamap gen long kot long dispela yia.

Mista Maladina i stap long kot beil na wanpela bilong beil lo em long em i no ken go aut long PNG.

I gat planti ol lain husat i stap tu insait long dispela NNPF saga i raun yet na i no kisim mekim save bilong lo.

Dispela hevi bin kamap bikpela na bikpela toktok bin raun taim em bin kamap pablik tasol no gat wanpela man i go kalabus o kisim mekim save bilong lo yet.

I gat bilip olsem wok painim i bin kamap na ripot i redi na stap tasol gavman i no mekim wok long dispela ripot long mekim save long ol lain husat i stap insait long dispel hevi bilong NPF.

MOA long 300 lida i gat Sas bilong korapen: Ombudsmen Komisn

OMBUDSMEN Komisn (OC) i gat bikpela wari olsem komplek egensim ol memba bilong palamen na ol lida i holim bikpela opis long kantri i wok long go antap.

Sif Ombudsmen Rigo Lua i tokim wanpela lidasip samit long Pot Mosbi olsem namba bilong lida i gat komplek long nem bilong ol em moa long 300 na namba i wok long go antap.

Em i tok planti lida i gat komplek long korap pasin long pablik opis na dispela i kisim nem nogut i kam long opis ol i holim

na ol yet olsem lida bilong kantri.

Planti lida i luk olsem ol i no klia long wok bilong ol aninit long mama lo na lidasip samit i kamap long ol bai kisim moa tok klia long wok bilong ol tasol planti ol gavman minista na memba bilong palamen i no kamap long samit.

OC long wok painim long dispela taim i salim planti minista na memba na ol arapela lida long bungim lidasip traibunal long ol sas bilong ol.

Memba bilong Manus Ronny Knight i asua long

4-pela sas na bai kisim mekim save bilong lo klostu.

I gat tokwin i raun olsem gavman i mekim muv long senisim sampel lo long rausim o daunim pawa bilong OC o rausim opis bilong OC.

Tasol Mista Lua i tok opis bilong em i no kisim wanpela tok save long pepa long muv bilong gavman na i tok dispela i tokwin nating. Em i tok OC aninit long mama lo i gat rait long mekim wok painim long ol lida long helpim daunim pasin korapen.

Sandaun provinsal sit bai gat bai-ileksen

BAI-ILEKSEN bai kamap long Sandaun rijonal sit long makim nupela gavana bilong provins bihain long Suprim Kot i tokaut olsem win bilong Amkat Mai long 2012 nesanel ileksen i no stret na i rausim em olsem memba.

Suprim kot long dispela wik Mande i tok disisen bilong Nesenel kot long Oktoba 2013 i ong rausim Mista Amkat long win bilong em i sanap yet.

Mista Mai na llektoral Komisn i aplai long suprim kot long riviu i mas kamap long disisen bilong Nesenel kot.

Jastis Allen David, Jastis Don Sawong na Jastis Ere Kariko i rausim apil na givim oda long llektoral Komisn long kwiktai holim bai ileksen.

Ol jas i rausim ol as bilong apil Mista Mai na llektoral Komisn i putim long apil pepa na i tok disisen bilong Jas Elenas Batari long rausim Mista Mai long sia bilong rijonal memba bilong Sandaun bihain long long winim ileksen i sanap yet.

Mista Mai i bin win long ileksen wantaim 27,784 vot na winim Simon Solo husat bin kisim 22,975

vot. Narapela petisina John Tekwei bin kam namba tri ples.

John Tekwei na Simon Solo bihain tupela i kamap wanpela pati long ileksen petisen na winim dispela keis.

Tupela i kotim Mista Mai olsem em i no win long stretpela rot na planti asua i kamap long taim bilong ileksen.

Sampela samting tupela salensim long kot en i tok ol liklik pikinini i vot na i bin gat tupela ples bilong vot long Oksapmin poling ples long Sandaun.

Kot i tok Manus MP i asua

LIDASIP Traibunal kot i painim memba bilong Manus Ronny Knigh i asua long 4-pela sas na bai kisim mekim save bilong lo bilong holim pablik opis na mekim pasin korapen.

Obusmen Komisn long wok painim i putim 5-pela sas antap long Mista Knight tasol kot long las wik i painim em i asua long 4-pela sas tasol.

Traibunal kot i rausim K650,000 DSIP mani sas bilong Mista Knight. Tasol kot i painim em asua long K65,000 DSIP mani we Mista Knight i no yusim long gutpela rot aninit long lo namel long Januери na Ogas 2013. Mista Knight i no tok klia long wanem rot em i yusim dispela mani.

Mista Knight tu i asua long yusim K180,670 DSIP mani. Em i no yusim dispela mani long projek JDPBPC i makim long en, em i putim i go long narapela hap na i no tok klia long wanem hap em i yusim dispela mani aninit long lo.

Narapela asua em, namel long Januери na Ogas 2013, Mista Knight olsem bos bilong JDPBPC bilong Manus Open i makim maus bilong Manus JDP BPC na toktok long ol hevi we olgeta komiti memba inap long toktok. Em i gat intres long dispela tasol i no tokaut.

Kot bai tokaut long wanem kain mekim save em bai kisim long klostu taim.

Awenes long lukautim gut ol tit

Esther Bralyn Wani i raitim

COLGATE Palmolive (PNG) Limited i bung wantaim Nesanel Dipatmen ov Helt i mekim ol awenes long lukautim gut ol tit insait long Sauten rijen.

Jenerel Menesa bilong Colgate-Palmolive (PNG), John Wood, i tok dispela awenes i bai lainim ol sumatin long brosim tit bilong ol insait long tupela taim long de long wanem em bai givim ol strongpela na helti tit.

Mista Wood i tok i gat 3-pela eduketa i stap long Pot Mosbi, Lae na long Hailans. Ol i save go long olgeta hap long skulim ol pikinini ol tisa na ol mamapapa.

Em i tok ol i skulim ol mamapapa na ol tisa bikos ol pikinini bai i ken lainim long ol mamapapa na ol tisa bilong ol.

Em i tok moa olsem ol i painim aut olsem liklik namba bilong ol pipel long PNG i

save yusim tit pest long brasim tit na long Fiji em planti pipel i save yusim.

Tasol em i tok bikpela hevi long PNG we i save bagarapim ol tit em buai bikos planti pipel i save laik long kaikai buai.

Sif Edvaisa bilong Nesanel Dipatmen ov Helt, Dokta Mainao, i tok dispela awenes i ken go aut long olgeta ples tasol no gat planti wokman long go aut long olgeta distrik.

Long wankain taim, Deputi Sif Dentel Sejen bilong Sauten rijen, Dokta Elenise Falealuga-Ovia, i tok ol mamapapa mas stat long klinim tit bilong ol bebi taim ol nupela tit i kamap long wanem taim ol bikpela ol i no inap lusting ting long brosim tit bilong ol.

Dokta Elenise i tok ol i staim awenes long Sauten rijen na bihain bai ol i go aut long ol narapela rijen.



Ol lain long Colgate-Palmolive Limited i soim piksa bilong gutpela tit na nogut tit long ol pablik insait long Visen Siti long Pot Mosbi.

Mani mak olsem K1.2 milien samting i bagarap long UPNG

Esther Bralyn Wani i raitim

Mani mak olsem K1.2 milien samting i bagarap long UPNG Vais Sensela bilong Yunivesiti ov Papua Niugini, Albert Mellam, i tokaut long wiken olsem ol sumatin i bagarapim ol samting long skul na mani mak bilong ol dispela bagarap em inap long K1.2 milien.

Profesa Mellam i no amamas long dispela na em tok bai em i toktok long 60th Greduesen bai i kamap neks wik.

Em i tok ol sumatin i spak na bagarapim ol wara kula na ol samting long skul i winim mani mak olsem K1.2 milien.

Profesa Mellam i askim ol sumatin long kamap gutpela embeseda na kisim sapot long

yunivesiti. Em i tokim ol sumatin long yusim gut taim bilong ol na kisim gutpela edukesen.

Long wankain taim, em i tok klia long ol nem lista bilong greduesen we i kam aut pinis long las wik na sampela bai kam aut long dispela wik long wanem sampela mak bilong ol sumatin i no gat mak yet.

Ol ENB sumatin long UPNG i kisim helpim

Esther Bralyn Wani i raitim

Minista bilong Haia Edukesen na Rises Saiens, Malakai Tabar, i givim mani mak olsem K88 594 long ol sumatin bilong Yuivesiti ov Papua Niugini (UPNG) in-

sait Gasel Distrik long Is Nu Briten provins.

Minista Tabar i tok sori long ol sumatin long wanem em i bin promis las yia yet tasol em i no bin givim bikos ol i wok yet. Dispela em i tok Gasel i gat bikpela namba bilong ol pipel insait long provins.

"Mipela bai was long ol akedemik pefomens na ol GPA mesamen bilong ol sumatin. Mipela bai kisim ol ripot long save long ol progresiv risal bilong ol," Minista Tabar i tok.

Em i tok moa olsem ol i amamas long mekim olsem neks yia tu na stap insait long dispela program.

Em i askim tu ol mamapapa long sevim mani na sapotim dispela program.

Hezron Wangi Jnr i makim maus bilong ol Gasel sumatin long UPNG na mamapapa bilong ol, i tok tenkyu long Minista Tabar na Vais Sensela Albert Mellam long sapotim ol insait long dispela program.

Mista Wangi i tok, "Dispela em wanpela sid yu-pela planim na mipela bai wok hat na traim long pinisim skul bilong mipela gut."

Diputi Edministreta bilong Gasel distrik, Peter Lapim, i salensim ol sumatin long wok strong long kamap gutpela risalt.

Komisina Vaki i laik save bilong Boroko sel brekaut

Komisina bilong Polis, Geoffrey Vaki, i laik save gut long ol NCD-Sentral Komand long wanem as bikpela namba bilong ol kalabus i brukim sel na kam aut long Boroko Polis Stesin long las wik.

Ol 30 saspek na ol man i stap long wet kot i ranawe taim polis i holim ol long Boroko Polis Stesin sel na ol i traim long bagarapim wanpela polis man yet husat i was long ol.

Komisina Vaki i tok em i laikim ful eksple-

nesen long Komanda bilong NCD- Sentrel Jerry Frank na Metropolitan bilong NCD, Andy Bawa.

"Mipela no laikim dispela". Mi no amamas long ol dispela kalabus i brukim sel na kam aut na sapos em i rong bilong edminitresen o i no gat gutpela was o kontrol, bai mi sekim olgeta long Komanda kam daun long Metropolitan, Polis Stesen Komanda na husat i wok long dispela taim," Komisina Vaki i tok.



Minista bilong Haia Edukesen, Malakai Tabar i givim sek mani long Rejistra bilong UPNG, Jeniffer Popat, taim Hezron Wangi long baksait, Vais Sensela bilong UPNG, Albert Mellam (hankais) na Deputi Edministreta bilong Gasel distrik, Peter Lapim (lephan) i lukluk i stap.

OTML helpim skul na ples balus long Telefomin

Eliptamin ples long Telefomin distrik long Sandaun Provins nau i gat gutpela haus bilong wetim balus.

Ok Tedi Mining Limited i bin putim mani mak bilong K24,000 i kam long Takis Kredit Skim (TCS) long kirapim dispela haus balus

we ol i opim long 27 Mas, 2015.

Dispela haus balus i bin bagarap olgeta long planti yia inap nau taim OTML TCS i kam insait long stretim olgeta.

Long wankain taim tu, OTDF i putim wanpela nupela sola pawa sistem long Eliptamin Pramereri

Skul na ol i opim long wankain taim. Em i bin kos K80,000.

OTML Infrastraksa Sapot Sevis, Iletrikal divisen tim wantaim lukaut bilong Ian Strachan i bin putim dispela sola pawa sistem.

Eliptamin Pramereri Skul Hetmasta, John Asong i tok tenkyu

long OTML na OTDF long stretim wok bilong haus bilong wetim balus na long putim sola pawa sistem long klasrum bilong skul.

"Dispela sola pawa i helpim gut tru ol sumatin na tisa long wokim stadi bilong ol long nait na em i gutpela tru. Em i helpim ol ples

lain tu long sasim ol mobail fon bilong ol," Mista Asong i tok.

Ikonomik Program Menesa bilong OTML, Francis Chibelle, pastaim long opim nupela haus bilong wetim balus, i tokim ol pipel long ol i mas lukautim gut dispela haus.



PIH Saveman *Nius*


“I kam long Pacific International Hospital Port Moresby”

Ph: 311 3000/ Ph: 323 4400 Textline 7155 8866 Website: www.pih.com.pg

Easter blessings from PIH laboratory

As you in the health sector have some time to take a breather this Easter, we would like to share a quick list of some of the laboratory tests available at the Pacific International Hospital. We at PIH welcome the opportunity to be of assistance to you in determining the precise condition of those under your care. You may reach us on the PIH Textline, 7155-8866, or email at laboratorypih@gmail.com.

TYPE OF CONDITION	RELEVANT TEST/S	DESCRIPTION OF TEST OR ILLNESS
Tuberculosis	TB Skin Test (Mantoux)	a skin test that aids in the diagnosis of latent tuberculosis infections
	Sputum AFB Stain	aids in the diagnosis of active tuberculosis infection
	TB Quantiferon Gold Test	an alternative to the tuberculosis skin test, TB Quantiferon is a blood test that aids in the diagnosis of active and latent tuberculosis disease.
Hepatitis B Profile	Hepatitis B surface antigen test (HBsAg) Antibody to Hepatitis B (Anti HBs)	Is the marker for acute and chronic hepatitis B infection The presence of this marker indicates immunity from Hepatitis B infection or recovery from an infection
	Hepatitis B “E” antigen (HBeAg)	The presence of this marker indicates that the patient has a high level of Hepatitis B virus in the body
	Hepatitis B “E” antibody (HBeAb)	The presence of this marker indicates lower levels of Hepatitis B virus in the body
	Hepatitis B core antibody (Anti-HBc)	The presence of this marker indicates a previous or ongoing infection with Hepatitis B Virus
HIV	HIV 1/2 Antibody screening	3rd generation HIV test, used to screen for HIV infection
	HIV 1/2 Ag/Ab Combo	4th generation HIV test, detects the p24 antigen and can detect infection earlier than the 3rd generation tests
Thyroid Disease	Free triiodothyronine (FT3) Free thyroxine (FT4) Thyroid stimulating hormone (TSH)	These 3 tests are used by clinicians to diagnose hyperthyroidism and hypothyroidism
Cervical cancer	Pap Smear Test	The Pathologist examines individual cells to check for abnormalities
Malaria	Rapid Diagnostic Test for Malaria	Detects histidine-rich Protein 2 (HRP-2) and parasite lactate dehydrogenase (pLDH) in blood to aid in the diagnosis of malaria infection
Dengue	Dengue Antibodies Dengue NS1 Antigen	Aid in the diagnosis of Dengue fever Can detect the presence of dengue virus in blood as early as 24 hours after start of fever
Typhoid	Salmonella typhi IgG/IgM Duo	Has greater sensitivity and specificity to the detection of Salmonella typhi infection in comparison to the Widal test
Prostate Cancer	Prostate Specific Antigen (PSA)	Tumor marker for Cancer of the prostate gland
Toxoplasmosis	Toxoplasma IgM/IgG	Aid in the diagnosis of Toxoplasma infection
Renal Disease	Cystatin C	A better marker for glomerular filtration rate than creatinine
Heart Conditions	Troponin I (Quantitative)	Cardiac Troponin I levels are measured quantitatively, serial troponin levels are used to monitor patients after a heart attack
	B type Natriuretic Peptide (BNP)	BNP is a marker for congestive heart failure



Now in PNG..the country's first retina surgeon

3-Mile Specialist Clinics, 3-Mile Hill, Taurama Road, Port Moresby

Advance Equipment for better diagnosis:

- OCT (Optical Coherence Tomography) to study optic nerve and retina.
- FA (Fluorescein retinal Angiography for diabetic and other retinal vascular diseases)
- A/B Scan (Eye Ultrasound) for more precise diagnosis of posterior segment of the eye
- AUTO R/K Automated Refraction and Keratometry

Procedures for better outcome:

- RETINA LASER for diabetic and other retinopathies
- YAG LASER capsulotomy (for after cataract haze)
- Cryotherapy (cryo-treatment)
- Intravitreal Injection for Diabetes

Tel. 311-3000
email:
pihopd@gmail.com
text to 7155-8866



Yut Lidasip divelopmen Program long ol Yunivesiti

YUT Lidasip divelopmen Program bilong The Voice Inc i kisim planti sumatin bilong Yunivesiti bilong Papua Niugini na Yunivesiti bilong Teknoloji.

Moa long 340 sumatin i aplai long kamap memba bilong The Voice Inc's yut lidasip program taim ol Yut Voice Inc i bringim toktok bilong yut lidasip divelopmen program i go long ol yunivesiti sumatin long long taim bilong orientesen wik.

The Voice Inc i go soim ol

wanem kain Lidasip divelopmen Program i stap long ol fes na seken yia sumatin. Senta bilong Lidasip long dispela ogenaisesen i stap long ol dispela kempas we ol mein senta bilong ol ektiviti we ol sumatin i kam insait long kisim ol tok save na aplai long dispela program.

Barbara Thomas, Ekting Eksektiv Dairekta bilong The Voice Inc i tok, ol i bin kisim gutpela bekim i kam long ol sumatin bilong tupela yunivesiti.

"Mipela kisim 340 eplikesen long tupela yunivesiti tasol mipela i makim 107 sumatin tasol bihain long ol intaviu. Wampela as ol sumatin i aplai long Lidasip divelopmen Program mipela i luksave olsem ol i lukim ol pren bilong ol husat i go insait pinis long dispela program na ol i ken lukim senis long laip bilong ol. Dispela em i bikpela samting long mipela bikos em i soim olsem program i mekim gutpela wok," em i tok.

Long Yunivesiti bilong Papua Ni-

ugini, Pro-Vais Sansela bilong Studen Afeas Subba Rao i bin sanap baksait tru long sapotim The Voice INC. Na em i tok long kain gutpela ogenaisesen olsem i go gut wantaim ol teknikel skil ol i lainim ol sumatin.

"Ol pablik yunivesiti i save lukluk moa long ol teknikel skil tasol ol sumatin i no gat ol sof skil olsem lidasip, pesonaliti divelopmen, motivesen, konfidens, komitmen long wok na ol kain samting olsem.

The Voice Inc i wok long mekim

bikpela wok long givim ol skil long ol sumatin olsem na em i save wok moa long trening bilong lidasip divelopmen olsem na ol pablik yunivesiti olsem UPNG i laikim ol kain sapot olsem i kam long Voice Inc. long givim ol narapela save bilong wok we ol i no kisim long yunivesiti," em i tok.

The Voice Inc i pinisim olgeta seleksen bilong em long Lidasip divelopmen Program long tupela yunivesiti na bai em i statim ol wok bilong 2015 long pinis bilong Mas.

Ol meri long Raibus save klinim nikel graun

James G. Kila i raitim

TAIM doti bilong repela nikel graun i pas long waitpela su o klos bai hat tru long wasim nating long wara.

Yu mas yusim strongpela sop marasin long wasim na rausim. Dispela em tok save bilong tripela meri strongpela meri husat i save wok olgeta de long klinim ol repela graun bilong nikel long plua bilong Ramu NiCo administresen opis long Kurumbukari Main long Usino-Bundi distrik long Madang provins.

Anthonia Benedict, Catherine John na Jenny Rivi, husat i tok-tok wantaim dispela ripota long Ramu NiCo KBK Main long Butua las wik. Dispela tripela meri em ol asples meri husat i save stap long Enekuai na Butua ples klostu long main na i save go i kam long wok.

Ol i save mekim bikpela wok long mopim plua bilong administresen haus bilong Ramu NiCo long Butua.

Dispela repela graun nikel em stap antap long maunten bilong Kurumbukari long Usino-Bundi long Madang provins na em i

save givim hat taim long ol wok lain bilong Raibus Enjinia kampani.

Ol dispela meri wantaim ol narapela wanwok i save mekim smatpela wok na mekim ol insait bilong edministresen haus bilong Ramu NiCo i luk nais.

Raibus Enjinia em wampela lokal kampani bilong ol papa-graun bilong Ramu Nikel Projek. Nem Raibus i makim tupela eria o distrik long Madang em Raikos na Usino-Bundi we wok opere-sen bilong Ramu nikel projek i stap long en.

Planti ol asples meri olsem



Tripela hatwok meri bilong Raibus Enjinaring Em Jenny Rivi, Anthonia Benedict na Catherine John i sanap long wok ples long Butua administresen opis bilong Ramu NiCo long Kurumbukari.

long KBK nau i wok wantaim Raibus Enjinia long administresen eria na tu long haus-slip bilong ol wokman bilong Ramu NiCo.

Ol i save mekim hatpela wok long klinim eria, wasim ol laplap bilong ol rum na tu kinlim eria na planim plawa long mekim ples i luk nais.



INTERNAL REVENUE COMMISSION



IMPORTANT NOTICE TO ALL LANDLORDS/ TENANTS

Landlord TIN now required on property lease agreements

The IRC wishes to advise the public of new laws for submitting property lease agreements to IRC for stamp duty, which are now being enforced.

All landlords are now required to provide their Taxpayer Identification Number (TIN) on lease agreements drawn up with tenants. If a TIN is not provided, the stamp duty application for the lease agreement will not be processed.

Lease agreements are not valid or legally enforceable until stamp duty has been paid to IRC, and the lease has been stamped. It is therefore of interests to both landlord and tenant to ensure the TIN is quoted on the lease so the document can be stamped.

If you are a landlord and do not currently have a TIN, you must register with IRC.

More information on registering with the IRC is available on our website: www.irc.gov.pg

Internal Revenue Commission

Authorised by
Ms Betty Palaso, OBE
Commissioner General

"Your Partner in Nation Building"



Yut, Meri na Famili
Pastor Barbara Lunge

Marit i pasim tupela manmeri olgeta

Marit em i samting i pasim man na meri long stap wantaim olgeta taim. Ating yu bin rausim meri o man bilong yu we yu bin maritim pastaim tru o no gat? Sapos yu bin mekim olsem, em belhat bilong God bai stap antap long yu na long nesen tu long yu no onarim tok promis bilong em.

Long buk Malaki 2:12-16 God i tok klia long Tok bilong em olsem em i no save laikim pasin bilong rausim meri o man na katim marit.

Long buk bilong Matyu 19:1-13 tok bilong God i tok olsem man i ken rausim meri bikos bel bilong man i strong tumas.

Long taim we man o meri i lusim man o meri bilong en na i laik marit

gen, long dispela hap em marit i strongpela samting i pasim tupela olgeta. Long wampela bilong tupela i dai tasol bai wampela i kamap fri long marit gen.

Mask long marit gen. Nogat. Yumi mas tanim bel long ol mi pasin bilong yumi, na go bek long man o meri bilong yumi. Wampela gutpela tok piksa i stap long Matyu 18:21-35 we em i tok-tok long wampela wokman nogut i no gat marimari long wanwok bilong en, na em i no gat pasin bilong lusim rong. Pasin bilong lusim rong long ol husat i mekim rong long yumi em seventi taim seven.

God em i man bilong lusim rong tasol yumi mas was gut na lusim rong bilong ol narapela. Yumi no ken kamap olsem dispela wok boi i no gat pasin bilong marimari.

Profet Hosea i marit long wampela pamuk meri na em i save lusim rong bilong em olgeta taim long taim em i save mekim pasin pamuk. Long Hosea sapta 1-3 i gat gutpela piksa long Jisas Krai i kapsaitim blut bilong em fri long lusim rong bilong yumi na kisim yumi nating i go bek long God.

Redcross halivim long ol disasta provins



Red Cross WHP volanta i givim ol samting bilong helpim i go long ol lain i kisim bagarap long Jiwaka. *Poto: Gayerbekov/ICRC.*

Redcross i halivim ol disasta lain long Jiwaka



Wanpela famili i amamas long kisim helpim. *Poto: Gayerbekov/ICRC*



WHP Red Cross i lainim ol samting bilong helpim ol tarangu long bagarap bilong tait wara long Jiwaka Ward 1 na 2 komyuniti.



Ol piksta bilong ol wok painimaut we Wes Nu Briten Red Cross Brens Volantia long taim bi-long Strongpela Win na bikpela Tait Wara long Wes Nu Briten.



Timmy Supin (namel) WNB Red Cross brens Siaman na brens volanta lukluk long ol bagarap I kamap long Wes Nu Briten. *Poto: Oscar Pidian*

Tupela Katolik Bisop i kisim namba



STORI TASOL
wantaim
Fr Paul Liwun

MI BAIM YU, MAMA

BIHAIN long man bilong em i lusim em na maritim narapela meri, singel mama ya em i hat wok tru long painim mani long lukautim famili bilong em.

Em i gat wanpela pikinini boi. Planti taim em i kam bek long haus, pikinini bilong em i slip pinis.

Moning taim em i kirap na go wok, pikinini bilong em i slip yet. Bebi sita tasol i wasim na givim kaikai na bringim pikinini i go long skol.

Wanpela nait, taim em i kam bek long wok, em i kirap nogut tru.

Pikinini bilong em i no slip yet. Em i sindaun long siting rum wetim mama bilong em i kam bek long wok.

Taim mama i opim dua, pikinini i lukim em na pilim sori tru. Em i askim, "Mama, hamas ol i peim yu long wanpela aua wok?"

Mama i kros na belhat tru! "Yu askim long mekim wanem? Go slip! Em i taim bilong yu long slip pinis!"

Tasol pikinini i sanap na go klostu long mama na askim gen, "Mama, inap yu tokim mi hamas ol i baim yu long wanpela aua? Mi laik save tasol, Mama!"

Wantaim bikipela kros, mama i bekim... "Ol i baim mi K6.00 tasol long wanpela aua. Bilong wanem yu laik save?"

Pikinini i holimpasim mama na wantaim bikipela smail em i askim mama bilong em gen, "Mama, inap mi boroim K3.00 – bilong yu? Bai mi baim bek!"

Taim mama i harim olsem, em i belhat na rausim pikinini i holim pasim em na tok, "Wanem? Pasim maus na go long rum bilong yu na slip! Yu laik wokim wanem na yu askim mani long mi?" Mama i singaut strong, "Go long rum na slip."

Pikinini i lusim na ran i go, opim na pairapim dua bilong rum na go insait.

Mama i belhat stret. Em i go long rum bilong em, waswas na senisim klos, bihain em i sindaun na tingim gen, bilong wanem pikinini bilong mi laik boroim K3? Em i laik mekim wanem?

Taim mama i pilim kol pinis, em i stat long tingim gen. "Nogut pikinini bilong mi i nidim mani tru? Em i no bin askim mani long mi. Tude tasol em i askim. Ating em i gat bikipela nid tru."

Mama i kirap na go long rum bilong pikinini bilong em.

Em i nok long dua na singautim, "Son, yu slip pinis a?"

Pikinini i bekim, "I no yet, mama! Kam insait!"

Mama i opim dua na tok sori bikos em i bin kros bikipela tru. Tasol pikinini i isi na i tok, em i orait mama.

Bihain mama i opim walet bilong em na i tok, "Pikinini, yu nidim K3 yet?"

"Yes mama, mi nidim yet."

Mama i givim K3 long em. Pikinini i kisim, tok tenkyu na holim pasim mama bilong em. Bihain, pikinini i tanim pilo bilong em na kamautim sampela mani gen.

Mama i kirap nogut tru, na krosim pikinini em gen, "O, yu gat mani pinis na bilong wanem yu askim K3 gen?"

Nau mama i belhat na krosim pikinini gen. "Yu laik wokim wanem long dispela mani?"

Pikinini i lukluk strong long mama bilong em na i tok: "Mama, mi gat sampela mani pinis, tasol i no inap long baim wanpela aua bilong yu. Nau, mi gat K6.00 pinis. Dispela K6.00 bai mi baim yu, mama! Tumora inap yu kam bek wanpela aua hariap. Mi laik kaikai dina wantaim yu. Kisim dispela K6.00 na – tingim gut mama. Kam wanpela aua hariap. Yumi bai kaikai dina wantaim."

Taim mama i harim dispela askim long pikinini bilong em, kros bilong em i lus olgeta. Em i holim pasim pikinini bilong em na i krai nogut tru.

Hamas pikinini i hangre long stap wantaim mama bilong ol, tasol mama i no tingim?

Hamas mama i bisi tru long wok na lusim tingting long pikinini?

TUPELA Katolik bisop i kisim namba ol i kolim 'Sif' long taim gavman i givimaut ol Logohu awot las wik. Ol tupela bisop ya em Bisop Francesco Sarego, SVD, DD na Bisop Henk te Maarsen, SVD, DD.

Ol i bin kisim dispela namba long Gavman Haus Pot Mosbi las wik.

Bisop Francesco i bin kisim namba long wok bilong em long Katolik sios long Isten Hailans we em i wanpela Di-

vain Wod Misineri pater inap 45 yia na em i bisop bilong Goroka inap 18 yia. Mama i karim em long Kologna Veneta, Itali long 1 Ogas 1939. Em i kamap pris long 1986 na i kamap bisop bilong Goroka long 29 Janueri 1996 na em i holim dispela wok yet.

Bisop Henk te Maarsen i bin Bisop bilong Kundiawa tasol em i ritaia nau na i stap long Goroka.

Gavman i luksave long wok bilong em long Katolik na ol

Kristen komyuniti long Simbu inap 51 yia long wok bilong em olsem pris na Bisop bilong Kundiawa. Mama i bin karim em long Holan long 1933 na em i kam long PNG long 1962. Long taim bilong em long Hailans, em i wok long Kundiawa Daiosis inap 50 yia.

Wok bilong tupela bisop long Katolik sios i strongim bilip na kamapim gutpela sindaun long ol peris na daiosis we ol i wok.

Namel long ol arapela

husat i kisim wankain awot em Angliken Bisop Joseph Kopapa.

Em i kisim dispela awot long wok bilong sevim komyuniti na mekim wok bilong Angliken sios long taim em i stap pris na bisop na nau em i namba faiv hetbisop bilong Angliken Sios long Papua Niugini.

Gavana Jeneral Sir Michael Ogio i bin givimaut ol dispela awot na planti ol famili na pren bilong ol lain husat i kisim ol namba i bin stap tu long tok amamas long ol.

Ista i taim bilong wan wan man i glasim laip ...Daunim pen na hevi olsem Jisas

ISTA em i taim bilong wan wan man long glasim em yet, laip bilong em wantaim God, sin pasin na ol gutpela samting.

Jenerel Seketeri bilong Konprens bilong ol Katolik Bisop long PNG na Solomon Ailan (CBC), Pater Victor Roche SVD i tok long Ista Toktok bilong em long ol Katolik bilip manmeri na pablik long PNG.

Pater Victor i tok Ista em i selebretim kirap bilong Jisas long dai we em yet i bin tokaut

long en pastaim taim em i tok, "bagarapim dispela tempel o haus lotu na bai mi bildim bek long tripela de." (John 2:19). Em i bin karim na dai long Diwai Kruse long bekim pekato bilong olgeta manmeri long dispela graun, tasol long kirap bek bilong em, em i bin winim satan, pekato na dai.

"Bikos long win bilong em na yumi bilip na bihainim em, yumi tu i win long satan, dai na sin. Long dai na kirap bek, em i givim yumi Holi Spirit na nupela laip," Pater Victor i tok.

Em i tok Krismas em i taim bilong ol famili i bung wantaim na selebret, tasol Ista em i taim bilong wan wan man long glasim em yet, laip bilong em wantaim God, sin pasin na ol gutpela samting.

"Jisas i wok long tokim yumi olsem pen i hap bilong laip, pen na kontrak. Yumi karim pen na hevi long laip bilong yumi olsem em i bin mekim na taim yumi bihainim em, bai yumi win," Pater Victor i pinisim Ista toktok bilong em olsem.



Pater Victor Roche SVD em Jenerel Seketeri bilong CBC.

Yumi sanap we?

Veronica Hatutasi i raitim

AMAMAS bilong selebretim Palmen Sande i bin kamap long las wik Sande na olgeta Kristen Sios long wol i bin selebretim wantaim lotu na proseso wantaim ol lip palmen.

Dispela selebresen i bin kamap long tingim ol pipel i amamas na luksave long en na mekim Jisas olsem king taim ol i putim ol lip na ol klos na em i sindaun long donki na wokabaut antap long ol.

Long ol skol toktok bilong em, Peris pris bilong Sen Charles Lwanga, Gerehu insait long Nesenel Kapitel Distrik, Pater Bill Fleming i bin askim yumi wan wan i sanap we?

Dispela em bikos ol lain i bin amamas na luksave long Jisas olsem king em ol lain tasol i bin singaut long en, nilim em long kruse, na ol i putim Jisas long dai.

"Yumi sanap we? Welkamim em na neks minit, yumi nilim em long diwai kruse wantaim ol sin bilong yumi, yumi tanim baksait long en," Pater Bill i tok.

Em i tok Bikman i bin givim yumi "tang bilong disaipelsip" na salens bilong yumi long Palmen Sande em, Yumi save yusim gut dispela disaipelsip tang Bikman i givim mi long en o nogat?



Palmen Sande Prosesio long statim lotu wantaim blesing bilong ol palmen long Sen Charles Lwanga Katolik Sios, Gerehu.

Em i tok long taim bilong Holi wik we bai kisim yumi i go

long Ista, i moabeta yumi fokus long samting Bikman i

laikim yumi long mekim, na tu, long pen na dai bilong Jisas.

Taim bilong skelim pasin na mekim wok bilong helpim ol arapela

Yumi kamap nau long mun Epril, namba foa mun bilong disepla yia, 2015. Yumi wan wan na kantri bilong yumi tu i lukim planti gutpela samting na planti salens tu i kamap insait long dispela foapela mun. I bin gat planti ripot bilong ol hevi bilong lo na oda na ol hevi ol polisman yet i kamapim long ol sitisen bilong kantri.

Sampela memba bilong palamen i kamap long ai bilong Lidasip Traibunal, sampela i rong long sas bilong ol na i go kalabus o i wet long harim wanem kain panisemen ol bai kisim.


I bin gat ol bagarap na hevi em bikipela ren na graun bruk na tait wara i bin kamapim. I bin gat komplem long ol kontrakta husat i mekim wok bilong edukesen dipatmen long sanapim ol klasrum tasol gavman i tok bai i no gat luk-save long ol dispela kontrak.

Tasol i gat moa gutpela samting i kamap long kantri long wankain taim. Bikipela wok redi bilong Pasifik Gems klostu i pinis nau na PNG bai amamas long lukim ol spot manmeri na ol arapela ovasis visita long mun Julai.

I gat bikipela awenes i kamap nau long stopim sik TB i kamap bikipela moa. Praim Minista yet i bin go pas long opim dispela kempen long mun Februeri na Helt Dipatmen wantaim helpim bilong ol ovasis gavman na ejensi i wok long strongim dispela program.

Ol wok i kamap tu long stretim gen ol haus sik na ol ples balus. Planti bilong ol i no inap mekim gut wok bilong helpim pipel bikos planti samting i bagarap.

Rot bilong kisim gavman sevis i go long ol pipel em i wanpela



Bilong wanem yu kam long ples bilong dai taim man i stap laip yet...

bikipela salens gavman i mas winim. I gat ol program i kamap nau long mekim dispela driman bilong gavman i karim kaikai. Mak gavman i putim long lukim gutpela

senis i kamap na kantri i sindaun gut em Visen 2050.

Long nesene level na lokal gavman level long ol provins ol program bilong bringim senis i wok

long kamap nau. Sampela provins i winim ol arapela bikos ol i redi gut na ol wokman i lukim olsem ol wok i kamap we gavman i putim mani long kirapim wok. Long ol

dispela provins, i klia olsem olgeta memba bilong palamen i wok bung wantaim na strongim komiti bilong kirapim wok long ol distrik bilong ol.

Na long ol provins we politiks i brukim wok bung namel long ol lida, i no gat senis i kamap.

Ol memba bilong ol i no wanbel long sindaun wantaim na wokim plen na disisen bilong skelim mani i go long kamapim gutpela sindaun long provins.

Ating sampela taim em i gutpela long stap isi na mekim wok bilong sevim ol pipel na i no tingting tumas long mani na pawa na posisen. Yumi wan wan i gat save bilong mekim wok.

Sampela taim yumi mas lusim tingting long resis wantaim ol narapela. Yumi pasim tingting long wok bung wantaim na bai samting i kamap.

Kirap long dispela wik, ol Kristen long olgeta hap bilong graun bai redi long selebretim bikipela pestode bilong Ista.

Bilip bilong yumi i tok dispela de em i nambawan de long laip bilong yumi ol Kristen. Jisas i bin karim bikipela pen na indai long sevim yumi ol manmeri bilong sin.

Em i no bin kam long stap olsem wanpela king o bikman, nogat. Em i kam long kamap wokman bilong papa bilong em na sevim ol manmeri long graun.

Em i soim gutpela piksa long yumi. Planti taim ol samting bilong graun i save pasim ai bilong yumi na yumi paul nabaut.

Long dispela taim bilong Ista, ating yumi tu i mas opim ai na yau bilong yumi long krai bilong ol pipel long komyniti bilong yumi. Hepi Ista!

Ol projek i givim strong long ol sumatin

Esther Bralyn Wani i raitm

AMERIKEN Arts Incubator long Papua Niugini wantaim U.S Dipatmen ov Stet i bung wantaim Zero 1 long presentim PNG Arts Incubator Small Grants Awardee Projek long Yunivesiti ov Papua Niugini (UPNG).

Program Menesa bilong Ameriken Arts Incubator, Kate Spacek, i tok i gat 4-pela bikipela projek tasol 3-pela i stap long PNG pinis.

Em i tok wanpela bilong ol meri long mekim kain kain stail bilum, narapela bilong ol pikinini em arts na tieta na yoga o meditesen na narapela em ol arts sumatin long UPNG i mekim long givim gutpela tingting long ol meri na ol narapela tu.

Dispela ol UPNG arts sumatin i wokim 5-pela 'foot stool' we ol i raitim 'Papua Niugini's Best CEO, physician, lawyer, scientist, artist.'

Mis Spacek i tok bai ol i



Ol 'foot stool' long Forum Skwe insait long UPNG.

putim ol dispela 'foot stool' long greduesen bai kamap neks wik long UPNG we em bai givim strongpela tingting long ol sumatin.

Em i tok moa olsem narapela em 'confidential key'. Dispela em helt klap bilong ol yangpela.

Ol bai toktok long jenda

beis vailens, ol yangpela pikinini meri i bel na long givim strong long ol yangpela.

Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Websait: www.wantokniuspepa.com

Pe bilong wanpela via. 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Veronica Hatutasi

Published at
Able Building
Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Kain kain bisnis bilong ol meri long painim mani

LONG wik i go pinis ol meri long Mosbi na sampela kam long ol narapela senta bin mekim liklik mini so bilong ol long Waigani festival ples insait long Mosbi. Dispela liklik so bilong ol i soim wei ol meri ken mekim liklik bisnis bilong ol. *Ripota na Poto man bilong Wantok Niuspepa Nicky Bernard* i bin raun long dispela taim na kisim liklik stori wan wan meri husat i kirapim liklik bisnis bilong em na wanem samting ol i bin salim na mekim long save bilong ol yet.



Elizabeth Gonoua em wangepa wod kaunsila insait long Kairuku long Sentral Provins, em wantaim ol mama grup long wod bilong em i save planim na groim raba. Elizabeth i kam soim ol liklik samting ol save kamapim long raba na mekim mani bilong liklik bisnis bilong ol aninit long kampani bilong ol Aruru Wimens Raba Bisnis long liklik ples bilong long Kairuku.



Kaksy na BK tupela yangpela mangi husat save salim na mekim liklik wok ol meri save mekim. Tupela save helpim mama na susa bilong tupela long mekim liklik plawa bilong bilasim ples na salim. Tupela tu save kisim ol samting bilong ol meri bilong bilas olsem, yau ring, spre, nekles na sampela moa ol samting. Kaksy na BK save kisim ol samting bilong kam long ovasis long intanet. Taim oda bilong tupela kam bai tupela sidaun long sait bilong rot na salim ol dispela samting bilong ol. Tupela bin go long mini so bilong Meri long Bisnis long Waigani na soim ol liklik samting ol save kisim kam long ovasis.

Helen Benjamin em Dairekta bilong liklik bisnis bilong em, ol save kolim long "G Soles". Dispela liklik bisnis bilong em save salim ol strongpela su na sendel i kam stret long Fiji. Helen i tok em i amamas long stap insait long dispela mini so bilong ol meri na em amamas tu long soim ol samting em save kisim kam stret long ples bilong em Fiji.



Raga Rabona bilong Heduru Friendship Foundation i bin go stap tu long dispela so. Em bin go soim ol liklik samting em save mekim na salim. Liklik mani em save mekim save helpim dispela liklik faundesen bilong em. Em i tok em laikim dispela kain so mas kamap olgeta yia bai ol meri gat sans long soim wanem samting ol save mekim na wanem samting ol save salim long kamapim liklik bisnis bilong ol. Em tok long Pasifik Gem bai ol meri soim planti samting ol save mekim i go long wan solwara bilong yumi long Pasifik. Em tok tenkyu long Women In Binis long kamapim dispela liklik so we ol bin lainim sampela liklik samting long ol narapela meri.



Stori bilong tumbuna



narapela kain samting i kamap long ples ol het bilong snek long en.

Dispela diwai i kamap na namel bilong em i luk olsem skin bilong snek. Ol i katim na traim kaikaim na em i swit moa. Orait ol i givim nem bilong em suga, olsem em i swit.

Sia Taragau kam We?

Stat bilong dispela sia i go olsem, oltaim wanpela meri i save kisim dispela tamiok bilong sapim kanu. Nem bilong em Jambiagura. Em i save sapim kanu olgeta taim. Dispela meri em i no save putim gut dispela tamiok Jambiagura. Em i save tromoi long win na ren i stap na kanda bilong dispela tamiok bilong sapim kanu i brukbruk nabaut.

Em i save stap na narapela wanain bilong em, nem bilong em Gura. Gura em i save ting olsem, bilong wanem em i save tromoi wanain bilong mi long win na ren? Em i wok long wari i stap na narapela meri em i tokim meri ya em Kanda, em i tok bai mi tupela i go long raunwara, na mitupela i kisim kindam. Orait Gura em i save pinis, na long nait dispela meri bilong tokim em long go long raunwara em istap.

Orait Gura yet i kam kirapim Kanda na tupela i go long raunwara lukautim kindam. Em i kirap na tupela i go. I go i go klostu tulait. Em i wok long pul yet na tanim bek lukim dispela meri nem bilong em Gura. Em i tok a dispela meri i no meri ya mi bin tokim em long kam wantaim mi long go na lukautim kindam long raunwara. Nating narapela meri ya. Em i wok long pul i go i go tulait gut na em i lukim gut pes bilong dispela meri.

Nau em i tokim Gura em i tok, hei bai mitupela i go kisim kindam, tupela i go i go na em i tokim gen, bai mi laik pekpek ya. Meri ya i tok orait.

Nau em i kalap longbikpela gras. Dispela gras i gat bikpela masalai i stap. Em i kalap nau na em i tok, olgeta taim yu save kisim dispela tamiok na tromoi long win na ren i stap na olgeta kanda tu i save brukbruk nabaut.

Yu ting dispela em i wanem, em i no ain bilong sapim kanu tasol? Em i no Gura mi tu mi stap. Em i kirap sakim kanu nau.

Meri ya i krai o pren yu no ken lusim mi, yu`mas i kam bek kisim mi. Em i wok long krai na krai na meri ya i go ausait na tokim em yu ken stap. Meri ya i stap krai longtaim tru.

Nau wanpela pis i go antap na kalap i go long meri ya i stap long en.

Kanda i tok o sapos yu man yu mas go tokim papa bilong yu i kam na kisim mi. Orait dispela pis i go daun na tokim papa bilong em masalai. Em i tok, papa wanpela meri i stap antap long gras na

em i tok, sapos yu man orait yu go tokim papa bilong yu i kam na kisim mi.

Na papa bilong em i tok, yu bilong wanem yu giamanim mi. Yu no gutpela pis yu giamanim mi. Em i krosim em pinis na arapela pis moa i go antap na Kanda i tokim em.

O sore sapos yu man orait yu go tokim papa bilong yu i kam kisim mi. Na pis ya i go tok im papa bilong em. Em i tok, stret ya papa em i tok tru. I gat wanpela meri i stap long gras na em i toktok long yu i Stap. Papa i kirap na krosim em. Em i tok yu no gutpela pis tru na yu kam giamanim mi.

Nau narapela pis i gat longpela nek i go antap. Tasol taim em i kam bek long papa na papa i no harim tok bi long em. Em i kros tasol. Nau planti pis tru i bin go na kam bek tokim papa, tasol em i no harim tok bilong ol.

Bihain em i kirap na salim namba wan pikinini bilong em i go antap. Pikinini bilong em i kam bek na tokim papa. Yes ya papa em i tru ya. Mi go antap na meri ya i tokim mi olsem, mi mas kam tokim yu mas go antap na kisim em.

Orait papa i kirap bilas pinis na em i go antap lukim dispela meri. Taim papa i kamap long dispela meri, meri ya kirap nogut tru na em i pret.

Orait papa i kirap bilas pinis na em i go antap lukim dispela meri. Taim papa i kamap long dispela meri, meri ya kirap nogut tru na em i pret.

Papa i kirap na i tokim meri ya em i tok, yu no pret, olsem yu yet salim tok na mi kam bilong kisim yu. Nau em i laik kisim meri ya i go insait long wara, tasol meri i tok, bai mi dring wara ya. Tasol masalai i tok, yu i no inap dring wara. Mi ken helpim yu. Em i kirap karim em na tupela i kamap pinis long ples bilong masalai.

Tupela i stap na meri ya i karim pikinini. Tasol em i no pikinini, em i karim tupela kiau bilong pisin tasol.

Tupela kiau ya meri i karim insait long wanpela bikpela sospen.

Bihain tupela kiau i bruk i kamap olsem tupela taragau. Tupela i stap i stap i kamap bikpela man. Na tupela i gat bikpela wari long kisim mama bilong tupela i go long ples bilong mama yet.

Orait tupela i tokim mama. Mama ating bai mitupela i kisim yu i go bek Na mama i tok, o yutupela i no inap long karim mi i go bek long ples bilong mi. Na bikpela brata i tokim mama, orait yu lukim mi. Em i kalap i go daun long wara na em i bringim bek wanpela bikpela diwai i drip i kam daun long wara. Em i karim i go na i soim long mama.

Nau mama i bilip. Nau mama i tok, orait yutupela i ken kisim mi. Na tupela i kirap kisim mama i go long ples bi long mama.

Olsem nau dispela taragau i stap nau.

Stori i kam long Joseph Angansuan bilong ples Japantai long hap bilong Ambunti Sab Distrik, Patrol Pos Pagwi.

Bulmakau bilong Solwara

Bipo bipo yet long ol tubuna bilong mi, i bin gat wanpela yangpela boi wantaim susa bilong em, tupela i stap long wanpela liklik ailan ol i kolim Dangtiti.

Tupela i kirap long dispela ailan na ol i laik go long narapela ailan.

Taim tupela i pul i go, tupela i kamap long wanpela rip. Nem bilong dispela rip ol i kolim "Aillwo" i min olsem gras bilong solwara.

Orait, tupela i go stret long ailan nau, na si i wok long go insait long kanu bilong tupela. Susa meri hia i harim si i wok long go insait long kanu, na em i lukluk i go bihain.

Em i ting olsem susa bilong em i kapupu. Tasol i nogat, em solwara tasol i wok long go insait long kanu.

Tarangu man hia i bin lukim dispela, susa bilong em i lukluk i kam long em na i sem nogut tru.

Orait, em i tokim susa bilong em olsem: Mi bai mi go nau. Na yu go nau na tokim ol man long ples.

Orait, yangpela boi hia i kirap na i kisim basket bilong em na tu spia bilong em na i kalap i go daun long rip Aillwo na em i sanap long wanpela ston. Na em i tok long susa bilong em olsem: Sapos yu go long ples, na tokim ol man bai ol i go antap long dispela maunten na kisim dispela diwai skin bilong em i bikpela. Na wokim umben long en na kam kisim mi long en.

Orait, boi hia i tokim susa bilong em pinis, na em i kalap long solwara na em i tanim em pinis i kamap olsem bulmakau.

Tarangu meri hia i wok long krai i stap, na em i ting bai boi hia i kam bek, tasol i nogat.

Em i tanim em pinis i kamap bulmakau.

Orait, meri hia i go long ples na tokim ol man long susa bilong em, em i bin tokim em long ol dispela samting bai ol i mekim.

Orait, ol man i kirap na ol i go long wanpela maunten na ol i kisim dispela diwai na ol i wokim umben long en, long skin bilong dispela diwai yet.

Orait, na dispela stori i tru, sapos yu go long ailan Piliilo bai yu lukim ol bikpela bikpela umben i stap.

Na tu sapos yu go long rip-Aillwo bai yu lukim ol gras na tu ol Bonbon o bulmakau i pulap moa moa yet.

Na oltaim sapos bikpela de olsem Paska o Krismas, ol man i save go long ol bikpela kanu, wantaim long dispela bikpela umben na kisim bulmakau long en.

Taim tru bilong kisim bulmakau, em long nait tasol. Orait, sapos yu laik save long dispela stori, yu ken go long Ailan Piliilo na lukim bikpela bikpela umben i stap tude nau long dispela taim.

Paul Areng bilong Rabaul i raitim.

Suga i kam We?

Dispela em i wanpela stori mipela kisim long buk ol i kolim "Creation Legends from New Guinea". Na em i kam yet long Mista Nao Bazan.

Long wanpela ples longtaim tru, wanpela hetman i bin stap. Dispela hetman i gat naispela pikinini meri tru.

Planti man tru i wok long hetman hia olsem ol wokboi bilong em. Wanpela long ol i lukimi pikinini bilong masta bilong ol na em i laikim em tumas. Dispela meri tu i laikim em tasol hetman hia i bin painimaut na i kros moa long dispela pasin na i laik kilim dispela wokboi bilong em.

Na long dispela ples i gat wanpela bikpela snek i gat tripela het bilong em na i luk nogut tru. Snek hia i save kilim ol yangpela meri na kaikai ol.

Long wanpela de dispela snek i tok, em i laik dispela hetman mas givim em pikinini meri bilong em na bai em i kaikai. Em tok sapos hetman hia i no harim tok bilong em, bai snek hia i bagarapim tru ples na olgeta samting.

Orait dispela hetman i no laik bai pikinini bilong em i dai. Olsem em kirap na tokim dispela wokboi hia i save laikim pikinini bilong em. Em tokim em, sapos yu inap long kilim dispela snek orait bai mi i ken larim yu maritim pikinini bilong mi.

Orait dispela wokboi kirap bilas olsem meri na i go long ples snek hia i stap.

Taim snek i kamap, em i ting wanpela yangpela meri tasol na i laik kaikaim em. Olgeta manmeri i hait wet i stap lukim olsem na ol i pret na krai long yangpela man hia.

Tasol yangpela wokboi bilong hetman hia i no pret. Em i kalap holim kwik wanpela het bilong snek na katim kwik long naip. Em i mekim olsem tu long narapela tupela het bilong snek hia na em i dai.

Olgeta manmeri i bin hait i stap lukim olsem na ol i amamas long wanem snek nogut bilong kaikaim ol yangpela meri i dai pinis.

Ol i kirap karim bodi bilong snek hia i go long ples na ol i mekim kaikai na singsing. Na dispela yangpela wokboi i karim sampela hap bodi bilong snek i go soim long hetman, em papa bilong gelpren bilong em. Hetman hia nau i go bihainim promis bilong em na i givim pikinini meri bilong em long boi hia.

Tupela i marit na sampela de bihain tupela i go long gaden na i planim olgeta hap snek i stap nabaut yet.

Bihain liklik nau ol i lukim wanpela


TOKSAVE:

WANTOK i askim ol gutpela rida bilong em long salim ol **tumbuna stori** i kam na bai mipela i putim long niuspepa. Sapos stori bilong yu i gutpela na mipela i putim long niuspepa, bai yu winim **K50** we mipela bai salim i go long akaun bilong yu, o salim mobail unit inap long **K50** i kam long fon bilong yu. Salim nem, edres na mobail namba bilong yu wantaim stori i kam long dispela edres: *Stori Tumbuna, Wantok Niuspepa, C/-Word Publishing Company, P O Box 1982, BOROKO, NCD, PNG o email edres : editorial@wantok.com.pg Telepon namba: 3252500.*

Tenkyu

Em nau! Ol pikinini i ken painim rot i go long ples wantaim Wantok kru...

Sudoku



		3	8			5	6	
8	6							1
				4	6			9
	3		9			4		1
				2				
1		8			4		7	
6			5	1				
	4						5	8
	1	2			9	6		


8								9	6
				7	2	5	3		
5			8						
	6				8	4			2
		8		9		3			
1	4	2						6	
					4				1
	9	2	3	1					
7	1								3

Ansa bilong Sudoku # 89 na # 90 neks isu


2	5	7	3	6	4	1	8	9
8	3	4	7	9	1	5	2	6
6	1	9	8	5	2	4	3	7
7	6	8	2	4	3	9	1	5
4	9	3	5	1	7	2	6	8
5	2	1	6	8	9	3	7	4
9	4	2	1	7	8	6	5	3
3	7	6	9	2	5	8	4	1
1	8	5	4	3	6	7	9	2

3	7	5	9	4	6	8	2	1
2	1	4	7	8	5	6	3	9
6	8	9	3	1	2	7	5	4
4	9	3	8	2	7	1	6	5
1	5	8	6	3	9	2	4	7
7	2	6	1	5	4	3	9	8
5	6	2	4	7	8	9	1	3
8	4	1	2	9	3	5	7	6
9	3	7	5	6	1	4	8	9

Ansa bilong las wik Sudoku # 87 na # 88



EM ORAIT




EM NOGUT

Ol wod lista hia:

- ABABABA
- BOSKRU
- BLANKET
- DAUNPASIN
- ENSEL
- FOTNAIT
- GAVMAN
- HAMAS
- INDEPENDENS
- KAMAUT
- LARIM
- LAPUN
- LESBAGA
- MALARIA
- MANDE
- NARAPELA
- OLSEM
- PALAMEN
- PUNDAUN
- RONGIM
- SALVINIA
- SAMTING
- SINDAUN
- TAIPRAITA
- TENKYU

A R H X W M F M N E S S E V O S E M W R
 N M T E S U E O I A A H D E B O I E L T
 L E E E N S E L D D L T S X B G N O A T
 U J G R L M B S O A U E O H N E A I P Z
 R G A E E T L E O A D N B O S K R U U J
 O C V O S N A M M N H K R G D A A A N C
 L A M R B E N A A E H Y A T L I P R V N
 U Q A J A C K M E A A U Z A N N E H E S
 Y E N B G W E I T A M K M I E N L M N D
 I K T R A F T E I E A H V N N R A N N Q
 G A E F A B O E T T S L S D S L T I S D
 C S O T R I A T T N A A W E A T S H T S
 N A O F V S N B N S M R E P E A E S F R
 M D T S N A H E A A T I Q E P I H N T Y
 X B A I P P T S I R I M Z N U P D J O R
 E D J D L J W U O S N T U D N R H J G G
 S X I O H T Z U L E G A R E D A R R C B
 H N D F O I C S I N D A U N A I J H S N
 O L Y I T T Y E E X T E G S U T L T C E
 E D P F H R I E Z W K E O O N A J C Y O

Ansa bilong Painim Wod Pilai isu 2114





Taim bilong tingting

ham. Taim ol Is-rael i lusim Isip ol i no moa stap long kalabus bikos God i marimari na lusim pinis pen em i kalabusim ol long laip bilong ol.

em i kalabusim ol long laip bilong ol.

Yumi Kristen tu i stap aninit long kalabus bilong sin. Sin em wanem samting? Na Satan em husat? Sin em pasin nogut yumi save mekim long ai bilong God na Satan em pasin bilong yumi manmeri yet. Insait long laip bilong yumi i gat gutpela na nogut wantaim. Yumi Kristen i mas save gut olsem yumi i gat spiritual betel fil i stap insait long laip bilong yumi na taim yumi pait na win em yumi stap pinis long gutpela rot bilong God na taim yumi lus, em nau yumi givim rot long satan long kam insait na rulim laip bilong yumi. Em nau yumi stap pinis long kalabus bilong sin.

Long dispela pasin kalabus bilong sin tasol God i bin marimari long yumi na salim pikinini bilong em Jisas i kam long yumi, karim pen bilong yumi, dai long yumi na kirap bek. Em i givim yumi nupela laip, nupela hop na nupela komyuniti bilong bilip. Olsem na yumi lukluk long kruse em mak bilong win,

Jisas i pinisim wok bilong satan na rausim yumi pinis long dispela mak bilong kalabus bilong sin na kisim mipela bek na mekim yumi kamap lain bilong em.

Olsem, long Holi wik go long Gut Fraide em taim bilong yumi long karim pen na dai wantaim Jisas long Kruse. Tasol i stap em Gut Nius na amamas bilong yumi long wanem Jisas Kraus i kirap bek pinis na yumi tu kirap bek wantaim em. Dispela Gut Nius na joi em bilong yumi olgeta. Olsem na singaut i go long olgeta Kristen long dispela kantri long sanap strong na pait egen-sim korapsen, pasin pamuk, pasin bilong abius, pasin reip na kain kain pasin nogut i wok long gro na yumi wok long witnessim long dispela kantri.

Taim bilong pen em inap nau yumi olgeta i mas lukluk long kruse bilong Jisas na Pawa bilong Resareksen. Stat long lida, long ol wok manmeri na yumi yet, Pawa bilong Resareksen tasol em senisim yumi na kirapim yumi long nupela rot, olsem yumi tu i mas senisim ol olupela pasin nogut na kirapim nupela pasin long gutpela bilong yumi na kantri.

K50, 000 bilong Lutheran studen Ista kem long Lae

Bustin Anzu i raitim

LUTERAN studen Ista kem i kisim luksave long kamapim dispela bung long Lae long Ista.

Samting olsem 5000 studen bilong Nesenel Lutheran Studen Ista Kem bai kamap long Martin Luther Semineri long Lae long dispela Ista bung bilong ol.

Gavman bilong Gavana, Kasiga Kelly Naru i luksave na putim K50, 000 bilong lukautim ol sumatin i kam long olgeta hap bilong Papua Niugini.



Taim Gavana i givim dispela mani (long poto daunbilo), em i tok gavman bilong em i luksave long kain bung olsem long wanem, kain hap olsem em ol yut o yangpela i save stap.

"Mipela i sanap strong long saptim ol wok olsem we planti ol yangpela i stap long en na dispela em wanpela polisi bilong Kristen Sios Patnasip Program (CCPP). Na bai mipela helpim yet," em i mekim dispela ol toktok taim em i givim mani i go long ol komiti bilong dispela bung.

Em i tok bikpela samting long dispela bung em long skelim save bilong ol long bilip bilong ol na tu, luksave long wanpela narapela long taim bilong bung. Na dispela bai strongim wok bilong Lutheran Sios i go long bihaintaim, wankain olsem skul bilong ol yet.

Gavana Naru i tok las yia, ol Morobe sumatin i laik go long Asaroka Lutheran Sekenderi Skul long Ista na em i helpim ol wantaim fuel mani na tok long helpim ol sapos dispela bung i kam long Lae. Dispela bung i kamap long Lae olsem na em i helpim ol long ronim dispela bung.

Wanpela komiti memba na namba tu siamari bilong NLHS Wendy Matu i tok amamas long Gavana long kain luksave we em i helpim ol yangpela Lutheran bilong Papua Niugini. Dispela helpim bilong em bai strongim wok bilong sios na tu, strongim ol yangpela long skul bilong ol.

Yus i kisim trupela awat

Bustin Anzu i raitim

YUS Tri Kangaroo Konsevesen o TKCP), long Kabwum, Morobe Provins i kisim wanpela intenesenel awat o prais long lukautim bus, maunten, wara na abus bilong graun.

Dispela awat em ol i kolim Yunaitet Nesens Developmen Program o "UNDP Equator Initiative Prais".

Namel long 1, 234 oganaisesen insait long 128 kantri, Yus Tri Kangaroo Konsevesen Program i kisim dispela prais.

Yus Tri Kangaroo Konsevesen Program i namba 187 long kisim dispela prais, bihain long dispela program, i bin stat long 2003.

Gavana bilong Morobe Kelly Naru i tok amamas long bikpela wok we ol lain bilong em long Yus, i mekim na putim nem bilong Kabwum, Morobe na Papua Niugini long wol map, wantaim hatwok bilong ol long lukautim bus bilong ol.

Em i tok ol i ken amamas long dispela wok bilong ol, long wanem, gavman bilong em, long plen bilong 2013-2017 provinsal plen, ol i laik strongim wok bilong envairomen.

"Long strongim ol narapela plen, olsem Visen 2050, Medium Tem Developmen na ol narapela plen, gavman bilong em i gat tingting long strongim wok bilong envairomen na konsevesen. Long dispela wok bilong Yus konsevesen program, ol bai helpim," Naru i tok.

Em i tok em yet i bin go long Yus na lukim hatwok ol i bin mekim na promisim ol olsem em bai helpim. Olsem na ol bai putim sampela helpim long ol.

Bos bilong UNDP long Papua Niugini Hemansu Roy i tokim ol manmeri bilong Yus olsem ol mas amamas long dispela prais olsem ol i kamap namba wan long wol na i no kantri bilong ol tasol.

"Dispela em i wanpela bikpela luksave long wol. Dispela program i ron insait long 10-pela yia pinis na long Yus Konsevesen Program i stap insait long winim dispela prais em wanpela bikpela samting we ol yet mas amamas long wanem, ol i putim nem bilong ples bilong ol, distrik, provins na kantri long wol," em i mekim dispela toktok long Lae long las wik, bihain long presentim wanpela US\$20, 000 sek mani.

Long wankain taim, Momba bilong Kabwum, Bob Dadae i tok, long soim amamas bilong em, em bai i no inap givim tok orait long ol kampani husat i gat tingting long katim diwai o loging long distrik bilong em.

Em i tok planti kampani i giaman na kam tok long wokim developmen tasol ol i save bagarapim bus bilong ol na stilim ol diwai na go. Olsem na bus, wara na maunten bilong ol em long wok bilong konsevesen tasol.

Yus Tri Kangaroo Konsevesen Program em stap insait long Kabwum distrik bilong Morobe provins. Dispela em wanpela program bilong lukautim ol bus, wara na maunten wantaim ol abus bilong ol.

Dispela bus na wara, em ol manmeri i no save go insait na tasim ol samting. Ol i no save katim diwai, kilim abus o bagarapim bus bilong wokim gaden o mekim ol narapela wok. Ol i stap olsem tasol taim Bikpela i wokim graun.



LIQUOR RESTRICTION - EASTER WEEKEND 2015

The Public is advised that liquor restriction will apply on the following days;

1. Friday, 03rd April 2015 – Good Friday
2. Monday 06th April 2015 – Easter Monday

The ban will apply to the following classes of licenses;

1. Dealers
2. Taverns
3. Bottle shops/ Take Away shops
4. Public Bars in Limited Hotels and Publicans.

The following classes of licensed premises will be exempted;

1. Restaurants - Where alcohol is taken as part of meal
2. Clubs - Where alcohol is restricted to Members and guests of members only
3. Publicans - Where liquor is taken as part of meal by lodgers, guests and diners only.
4. Limited Hotels - Where liquor is taken as part of meal by lodgers, guests and diners only.

Normal business operations will resume on Tuesday 07th April, 2015

Surveillances will be carried out by relevant authorities during the restricted period for compliance purposes.

May Easter be safe and meaningful for all of us

Authorized By

Kenneth Ataso
Acting City Manager



TOK PISIN NEWS
from Radio Australia

radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

Ol Raun Nabaut Poto



Bruder Antony Hollenstein SVD wantaim Bisop Cesare Bonivento PIME DD bilong Vanimo Katolik Daisosis i sanap wantaim Pater Janusz Skotniczny SVD, tresera bilong ol SVD long PNG, long gavman haus bihain tasol long Gavana Jenerel i givim tupela long luksave medol. *Poto: Nicky Bernard*



Potografa Rocky Roe i kisim awod bilong em long Gavana Jenerel long poto wok insait long PNG. *Poto: Nicky Bernard*



Jenet em wanpela wok meri bilong Yumi Yet Real Estet, em kisim liklik malolo long wiken na holim pikinini bilong ol lain stap insait long banis wantaim em long Gerehu. *Poto: Nicky Bernard*



Ol bagarap we Saiklon Pam i kamapim long Tanna Ailan, Tafeta Provins long Vanuatu. *Poto: ABC*

Memba bilong Manus Open Ronnie Knight i asua

Lidasip Traibunai i painimaut olsem memba bilong Manus Open, Ronnie Knight i asua long 4-pela long ol 5-pela sas.

Traibunai i painim olsem Mista Knight i asua long lidasip kod na tu long wei em i bin yusim sampela mani bilong ol projek.

Traibunai i no tokaut long wanem kain mekim save kot bai givim Mista Knight.

Solomon polis patrol bot sekap long Temotu

Ol Nesenel Disasta Atoriti long Solomon Ailan i salim wanpela polis patrol bot wantaim ol imejensi saplai i go long helpim ol pipel bilong Anuta ailan long Temotu Provins, moa long wanpela wik bihain long saiklon Pam i kamap na bagarapim ol ples.

Saiklon Pam i bin bagarapim Anuta ailan i stap longwe long is hap bilong Solomon Ailan long Fonde long tupela wik i go pinis.

Stat long taim saiklon Pam i bin hamaim Anuta, i no gat wanpela tok save long wanem samting i kamap long ol moa long 200 pipel husat i stap long dispela liklik ailan.

Wanpela Orion seveilens balus bilong Australian Air Force i bin flai antap long Anuta long las wiken na i lukim olsem olgeta diwai na olgeta haus i bin pundaun.

Anuta na Tikopia i stap longwe tru long Honiara na ol pipel i save ran inap wan wik long bot long go kamap long tupela ailan ya.

Long wankain taim, ol pipel bilong Tikopia long Temotu Provins nau i wok long klinim ples na planim bek gaden kaikai bilong ol.

Wilfred Aofaki, wanpela tisa long Safoa Komyuniti haikul i tok bikpela wari bilong ol pipel nau em long kaikai i sot.

Em i tok ol skul bai op gen

long Mande, tasol nau ol pipel i bisi long stretim ol haus na wok long gaden kaikai bilong ol.

PNG gavman bai strongim boda sekyuriti

Gavman bilong Papua Niugini i mas mekim ol bikpela wok bilong apim na strongim ol wok sekyuriti long boda mak bilong en wantaim Indonesia na Australia.

Provinsal Polis Komanda long Westen Provins long boda bilong PNG, Indonesia na Australia i mekim dispela toktok taim em i askim gavman long putim tupela moa polis stesin long provins.

PPC Silva Sika i tok em i wari olsem planti pipel i save yusim dispela boda long bringim hait ol kain kain samting olsem kaikai, ol gan, na ol pipel tu.

Toktok bilong Mista Sika i kamap tu long wankain taim we ol polis long Daru i holim kalabusim wanpela man bilong Nigeria long Afrika long wanem em i bin hait na kam insait long PNG.

Papua Niugini i gat longpela na bikpela bodamak i stap nating na no gat ol gutpela sekyuriti i stap long was long en.

Ni-Vanuatu meri i stori long saiklon Pam

Saiklon Pam i bagarapim ol ples long Tanna long Tafeta provins.

ABC nius i tok taim planti aid ejensi i kamap pinis long Vanuatu long helpim ol pipel bihain long saiklon Pam, planti pipel i wok long bungim hevi yet long dispela taim.

Tasol ol pipel i tok bai ol i orait, maski sapos ples i bagarap.

Caroline Lafargue bilong Radio Australia French program i stap nau long Port Vila we em i raun long ol kea senta long toktok wantaim ol pipel. Wanpela bilong ol em Annie Takau bilong Erakor viles klostu long Port Vila.

Misis Takau i tok olsem, em i bin go long Opis bilong ol Meri long Port Vila taim haus bilong em i bin bruk.

Nau em i stap yet long dispela senta we em i kisim sampela liklik helpim.

Em i tok ol i stat long kisim sampela gutpela wara, tasol pawa i no go yet long olgeta ples.

Egrikalsa long Vanuatu bai painim taim

Ol pipel bilong Vanuatu bai bungim bikpela hevi long kaikai na wok egrikalsa long planti mun na yia i kam bihain.

Dispela em toktok bilong wanpela saveman bilong wok egrikalsa long Vanuatu Egrikalsa dipatman long Port Vila, Dr Vincent Lebot.

Em i tok dispela saiklon i bin bagarapim tru planti gaden kaikai olsem tapioka, banana, yam, kaukau na ol kumu na dispela bai bringim bikpela hangre long ol komyuniti.

Dr Lebot i tok tu olsem kantri bai bungim hevi tu long lukim mani long ol kopi na kava plantesin em saiklon Pam i bin bagarapim olgeta.

Australia, Nu Silan na ol lain olsem Wol Visen, Ret Kros na ol narapela lain i stat pinis long bringim helpim i go long Vanuatu, tasol i gat wari yet olsem kaikai bai sot na ol pipel bai hangre.

Gavman bilong Papua Niugini i bin tokaut olsem em bai givim K5 milien kina i go long Vanuatu na K1 milien kina long helpim ol pipel bilong Tuvalu.

Wanpela lidameri long Vanuatu i askim gavman na ol Aid dona long helpim gut ol tarangu pipel husat i lusim olgeta samting long saiklon Pam.

Jenny Ligo, husat i go pas long Wimen Egens Kraim long Port Vila na husat i bin wok bipo olsem Presiden bilong Nesenel Kaunsil ov Wimen i tok planti ol helpim em ol narapela kantri i save givim Vanuatu bihain long ol

disasta, i no save go long ol tarangu pipel.

Planti pipel tru long ol setelmen long Port Vila i bin lusim ol haus bilong ol, na nau ol i no gat wanpela samting.

Solomon Ailan i no askim helpim

Gavman bilong Solomon Ailan i no bin askim ol ovasis lain long helpim bihain long saiklon Pam i hamaim isten hap bilong kantri tupela wik i go pinis, tasol ol pipel long Temotu Provins i bin bungim hevi na i nidim helpim.

Sif Operesen Opisa bilong Nesenel Disasta Menesmen Opis, George Baragamu i tok ol i lukim olsem gavman na ol patna insait long kantri inap mekim ol wok bilong stretim ol hevi dispela saiklon i bin kamapim.

Em i tok, ol i no bin diklerim wanpela disasta o stet ov imejensi long kantri.

Mista Baragamu i tok wanpela polis patrol bot i lusim Honiara long go long ol ailan longwe na bai kisim sampela imejensi saplai i go long Anuta ailan long Temotu Provins.

Em i tok ol i no harim wanpela toktok yet long ol pipel long dispela ailan long taim saiklon Pam i bagarapim ailan bilong ol tupela wik i go pinis.

Long Rif ailan long Temotu Provins, wanpela meri i bin dai na tripela pikinini i kisim bagarap taim saiklon i bin hamaim ol.

Nester Sipala, wanpela meri bilong Rif ailan i tok meri ya i no inap wokabout na ol hauslain bilong en i lusim em long haus na i ranawe i go hait.

Em i tok taim ol i kam bek, ol i lukim em i dai pinis.

Mis Sipala i tok saiklon i bagarapim olgeta gaden na prut diwai bilong ol pipel na nau ol i stap wantaim hangre.

Em i tok i no gat wanpela disasta imejensi helpim i go long ol yet.

Gavman i putim mani long sapotim liklik bisnis

PRAIM Minista Peter O'Neill i tok gavman i putim mani pinis long sapotim ol liklik man-meri bilong kantri long mekim bisnis. Na em i singaut long ol PNG sitisen long go insait long bisnis bikos ikonomi bilong kantri i gro na ol pipel i gat sans long wok bisnis.

Praim Minista i tok ikonomi bilong kantri i gro na em i sans bilong ol pipel i ken mekim ol bisnis wantaim sapot bilong gavman.

Mista O'Neill i mekim dispela toktok long taim em i opim Smol na Midium Entapras program, Stret Pasin Stoa long Hohola, Pot Mosbi we Vain na Ranu Bae Mea i ranim. Em i tok i gat bikpela sans i op stap long husat i laik mekim bisnis i ken kisim sapot bilong gavman long Ne-

senel Developmen Benk (NDB) na statim bisnis. Mista O'Neill i tok, "Mipela nidim moa Papua Niugini man na meri long operetim bisnis bilong ol yet, na kamapim planti wok long helpim komyuniti na kantri."

"Gavman nau putim mani long ol komesel benk long ol pipel i ken kisim dinau na go insait long ol liklik na bikpela bisnis.

"Taim mani i stap long helpim ol pipel, planti bisnis i ken kisim helpim na go het long skruim bisnis.

"Gavman bilong yumi putim moa long K100 milien pinis long NDB long ol pipel i ken kisim dinau na statim bisnis.

"Long 4 na 5 yia i kam, salens bilong gavman, NDB, Minista bilong Tred, Komes na Industri na ol arapela gavman minista bai helpim ol pipel bilong

Papua Niugini long go insait long bisnis."

Mista O'Neill i bin wanpela bisnisan na bihain em i go insait long wok politiks. Em i tok namba wan samting long olgeta bisnis em long bisnis man o meri i mas kamap disiplin long ranim bisnis.

"Long mekim tred stua o wanem kain bisnis em long kamap disiplin na menesim winmani na ol samting bilong bisnis gut na bai bisnis i gro."

"Taim mi lukim ol bisnis long kantri i stat liklik na i gro bikpela, em i soim olsem papa o mama bilong bisnis i bin disiplin na menesim bisnis gut."

Mista O'Neill i tok em i laik lukim planti liklik man-meri long kantri i mas kamap papa na mama bilong bisnis na em i taim yu ken stat nau wantaim sapot bilong gavman.



Praim Miista Peter O'Neill i opim Stret Pasin Stoa long Hohola, Pot Mosbi.

K3m bilong Wimens Benk

MEMBA bilong Lae, Loujaya Kouza i promis long givim K3milien long namba wan benk bilong ol meri Wimens Maikro Benk, k1milien long wan wan yia insait long 3-pela yia na stat long dispela yia.

Dispela mani em bai kam long Distrik Sevis Improvmen Program mani o DSIP bilong Lae Distrik .

Misis Kouja i statim 3 yia kontribusen bilong em long las wik Fraide long Lae wantaim K1 milien i go long PNG Wimen in Bisnis long taim bilong opim PNG Wimen in Bisnis brens long Lae.

Misis Kouja i tok em i sanap long baksait long ol meri long sapotim ol long wanem wok ol i mekim. Em i tok planti ol man i wok long mekim kain kain tok baksait na bagarapim em tasol em i bilip long em yet bikos ol pipel i makim em long karim hevi bilong ol na em bai sanap yet wantaim ol long gutpela na taim nogut.

Misis Kouja i tok, mi givim yu K1milien long sapotim ol bisnis bilong ol meri, husait bai tok nogat.

Gavman i tok olgeta Distrik Developmen Atoriti i mas putim K500,000 i go long maikro kredit skim. Mis Kouja i tok K500,000 bai kam long DSIP mani bilong Lae na K500,000 i kam long Lae Siti Atoriti.

Misis Kouja i tok bikpela amamas i go long gavman, Minista bilong Tred Komes na Industri, Richard Maru na Benk bilong Papua Niugini long sapotim Wimens Maikro Benk long putim Brens long Lae siti.

Deputi Gavman bilong BPNG Benny Popoitai i tok PNG Wimen Maikro Benk em namba wan long Pasifik na i namba 6 long wol.

Em i tok dispela em bikpela samting na PNG i gat nem long ol na ol meri na pipel bilong PNG i mas amamas long dispela benk bilong ol meri.

Digicel PNG i gat nupela CEO

MAURICE McCarthy i kisim namba olsem nupela Sif Eksektiv Opisa bilong Digicel PNG. Em i kisim ples bilong John Mangos.

Mista McCarthy i bin wok olsem Sif Operetng Opisa bilong Digicel PNG na i bin wanpela strongpela wokman bilong Digicel Pasifik bisnis klostu long 6-pela yia.

Mista Mangos i stap yet long Digicel na helpim long ol bikpela projek long Pasifik. Long taim bilong John Mangos olsem CEO bilong Digicel PNG, Digicel i kamap namba wan telekomyunikesen opereta long kantri.

Em i skruim sevis bilong Digicel i go long ol ples longwe na nau i karamapim 96 pesen bilong PNG populesen.

Mista Mc Carthy i gat 13 yia eksperiens bilong

wok long telekomyunikesen bisnis. Em i kam long Papua Niugini long wok bilong em olsem Rijonal CEO bilong Digicel long Fiji, Nauru, Samoa, Vanuatu, na Tonga.

Em i bilong kantri Ireland na i gat Masta digri long Yunivesiti long Aberdeen na bin pinisim honas stadi long London.

Mista McCarthy i tok em i amamas long joinim Digicel tim long PNG long taim we PNG i redi long selebretim 40 yia bilong independens.

Em i tok PNG i wok long gro na em i gat bikpela wok long mekim wok bung wantaim gavman, pipel na komyuniti bilong PNG long givim gutpela sevis bilong telekomyunikesen long ol 2 milien kastoma insait long kantri.



Nupela CEO bilong Digicel, Maurice McCarthy

Westpac Hagen i lait tru



Nupela logo bilong Westpac i sanap antap long Hagen brens na i kukim ai long de na nait.

WESTPAC Hagen brens i lait tru long de na nait wantaim nupela na bikpela leta "W" i spin antap long ruf bilong bilding.

Ol kastoma i ken lukim nupela, retpela Westpac logo longwe yet long san na long nait em i lait na sain antap long ruf bilong Hagen brens.

Logo i kamapim bikpela toktok pinis na em i bikpela logo i spin long kantri long dispela taim.

Westpac long las yia i selebretim 50 yia long Hagen na i lukluk het long selebretim narapela 50 yia long Hagen.

Long makim 50 yia, Westpac i tok em i gat wok long givim gutpela sevis long ol kastoma long Hailans na bai mekim moa invesmen. Em i stretim gen Hagen brens na putim wanpela moa ATM masin long Tininga supamakot

long Dobel, ausait long taun.

Nupela ATM i mekim isi long ol kastoma na kisim namba bilong ATM long Hagen go long 4-pela.

Hetman bilong Ritel Benking, Adam Dowine i tok nupela ATM bai mekim isi long ol kastoma na ol i amamas long putim mani long stretim sevis bilong Westpac long Hagen long ol kastoma i kisim gutpela sevis.

"Mipela i stretim brens pinis na bai putim sampela ATM wantaim masin bilong inStua benking long helpim kastoma long kisim sevis isi long haus dua," Mista Dowine i tok.

"Mipela i gat plen long putim moa sevis bilong benk long provins long ol yia i kam long soim olsem mipela i wari long ol pipel i mas yusim gutpela benking sevis."



Ramu NiCo HSE bringim sefti tingting long ol elementeri sumatin

GIVIM skul tok na soim rot long ol pikinini long lukautim na klinim ples, bus, graun, wara na solwara em bikpela samting long redim ol pikinini long bihain taim bilong ol.

Dispela em rot Ramu NiCo Menesmen (MCC) Envairomen Tim long Basamuk i bihainim long las wik long wok klostu wantaim ol skul pikinini long Mindre Elementeri Skul.

ENVAIROMEN tim bilong Ramu NiCo Menesmen (MCC) Helt, Sefti na Envairomen (HSE) Dipatmen long Basamuk Rifaineri long Raikos distriki soim gutpela progrem bilong en long makim Nesenel Maining Sefti Wik we ol i wok klostu wantaim ol sumatin bilong Mindre Elementery Skul.

Olsem wanpela ektiviti bilong Nesenel Maining Wik Progrem, ol lain HSE tim long Basamuk Rifaineri i ogenaisim klinaton progrem wantaim wanpela skul long impekt komyuniti. Dispela em wanpela bikpela samting tru long kisim ol lokal komyuniti long stap insait long progrem long save long wanem samting em i sefti.

As tingting long wok-bung wantaim Mindre Elementeri Skul em olsem ol sumatin em ol 'komyuniti bilong tumoro' o bihain taim na long skulim na givim tinting long ol blong mekim ples na komyuniti klin em i moa gutpela long gutpela sindaun na helti envairomen long bihain taim. Moa long en tu kain ol ektiviti em wanpela gutpela rot long kamapim gutpela rilesensip o wok-bung namel long kampani na komyuniti klostu long en.

Dispela envairomen sefti klinim nambis ektiviti i mekim ol sumatin i amamas wantaim bikos ol i karim ol plastik beg na putim ol handglav na wokim wok wantaim ol HSE opisa. Ol i lap na amamas na resis stret long wokim kain samting olsem bikos em i givim tu gutpela tingting long ol long sait long sefti na helti envairomen.

NMSW i bin stat long Mande, Mas 23 na i pinis long Mas 29 na as-tingting bilong dispela wik em long promotim aweanes bilong sefti insait long maining wok ples na ol wokman meri bilong en na tu komyuniti klostu long en.

Tripela wok eria bilong Ramu NiCo (MCC) long KBK Main, Basamuk Rifaineri na Madang Bes i bin kamapim sampela ol ektiviti long luksave long Nesenel Maining Sefti Wik.

Rejistered KBK Main Jeneral Menesa, Sarimu Kanu i givim gutpela toktok long taim bilong opim



1. Ol Mindre Elementeri skul sumatin kisim ol samting long wokim klinaton.
2. Ramu NiCo (MCC) i redim kaikai bilong belo bilong ol sumatin.
3. Ol sumatin i amamas long klinim envairomen.
4. Ol sumatin em ol lida bilong bihain taim.

Nesenel Maining Sefti Wik olsem Ramu NiCo i mas lukluk moa long ol rot long promotim sefti na as tingting bilong sefti i go long ol komyuniti na hauslain klostu long Projek.

Mista Kanu i tok sefti em bikpela

samting na ol komyuniti klostu long Projek i mas save gut long ol bikpela toktok na tu wanem samting i stap insait long sefti.

Em i tok sefti i mas kamap olsem kalsa namel long Projek na tu ol komyuniti arere long en bikos sefti

em bikpela samting we i mas stap oltaim.

Mista Kanu i tok laip bilong main long Ramu NiCo Projek em longpela. Olsem na mipela i mas lukluk moa long promotim sefti insait long komyuniti Ramu NiCo i stap klostu wantaim.

Mista Kanu i tok tu olsem bikos laip bilong Ramu NiCo Main em i longpela, ol pikinini long ol skul long bihain taim bai i gat sans long kisim wok long Ramu NiCo bihain long ol i pinis long bikpela skul na tingting long wok long Projek.



Ramu NiCo Management (MCC) Ltd,
 the manager of Ramu NiCo Project is proud to host the 5th
NATIONAL MINING EMERGENCY RESPONSE CHALLENGE
 in Madang
 Date: August 22-25, 2015
 Venue: DWU & PNG Maritime College



Digicel singaut long helpim Vanuatu



Ol pikinini we Digicel i go lukim long ples i kisim bagarap.

LONG las wik Digicel i tokaut long wanpela singaut o apil long ol donesen long helpim ol lain i kisim bagarap long strongpela win long Vanuatu.

Digicel i wok bung wantaim Save the Children long Australia, na em i wok long kisim ol mani long ol sms na ol internet sevis. Kantri Vanuatu i bin kisim bagarap long wanpela strongpela win long Sarere 14 Mas na i kamapim planti dai na bagarap long ol haus na samting long ol ailan ples.

Dispela helpim bilong Digicel bai givim moa mani long Save the Children bai bringim kaikai, wara, haus na ol narapela bikpela samting long ol komyuniti we i kisim

bagarap. Digicel i wok long toktok long ol intenit nius long ol kasm-toma long sanap wantaim long helpim Vanuatu. Kastoma bai donetim \$1 taim ol i teks i go long sotpela kod 9222 long Fiji, Samoa, Tonga na Nauru.

Save the Children Australia CEO, Paul Ronalds, i tok; "Saiklon Pam i bagarapim tru Vanuatu, na moa long 150,000 pipel, wantaim 75,000 pikinini em laip bilong ol i no stap gut. Ol kontribusen i go long Save the Children Saiklon Pam singaut bai helpim long givim ol kaikai na wara long sevim laip long ol komyuniti i kisim bagarap. Mipela tenkyu tru long helpim bilong Digicel."

Pasin bilong bagarapim rot sefti sain bikpela long PNG

James G. Kila i raitim

TAIM wanpela bikhet man i bagarapim ol rot sefti sain na kar i popaia na bam dispela man i kamapim brukim lo tu, na i kilim man indai.

Dispela em strongpela tok lukaut polis opisa husat i go pas long Madang Polis Trefik Brens Rot Sefti Yunit, Sinia Konstabol Frank Makora, i tok.

Mista Makora i tok sapos polis i gat infomesen long husat man i bagarapim rot sefti sain na birua i kamap long rot, ol bai go holim pasim em na sasim em long kilim indai narapela man.

Sinia Inspekta Makora wantaim tupela wanwok bilong em, Fes Konstabol Rose Avire na Konstabol

Judith Kuti, i bin stap long givim rot sefti aweanes las Trinde long luk-save long Nesenel Maining Sefti Wik wantaim Ramu NiCo Menesmen (MCC) Limited long Madang. Mista Makora i tok ol rot sefti sain em bikpela samting tru long helpim ol lain i draivim kar, ol pasindia long kar na tu ol lain i wokabaut long rot. Em i tok em i no gutpela pasin long lukim long planti hap long kantri olsem ol bikhet man i wok long bagarapim ol rot-sefti sain long rot. Planti ol rot sefti sain long ol bikpela haiwe rot tu em ol man i bagarapim taim ol i putim mak no gut (graffiti) antap long en na sampela rot sefti sain em ol i rausim olgeta.

"Ol rot sefti sain i gat wok bilong en long kontrolim muvmen bilong

ol kar, draiva na tu ol manmeri na pikinini i yusim pablik rot," Mista Makora i tok.

Nau long dispela taim planti ol rot sefti sain em ol man i rausim na karim ol i go wokim banis long ol setelmen haus na sampela em ol i putim long rot i go insait long ol setelmen bilong ol.

Mista Makora wantaim ol rot sefti yunit bilong em long Madang Trefik Brens i givim planti gutpela toktok long sait long sefti bilong draiva taim em i draiv, ol pasindia na tu ol manmeri i wokabaut long rot.

Sinia konstabol Makora i tok strong olsem ol draiva husat i dring bia na spak na draiv na givim tok-orait long ol pasindia long dring antap long kar i brukim stret trefik lo na polis i ken sasim ol.

Puma i putim ol mak bilong en nau

Mathew Yakai i raitim

PUMA Energy i baim ol sevis stesin bisnis long InterOil long las yia na senisim ol sain bot na putim tred mak bilong Puma long Mosbi na ol arapela senta. Long las wik ol i stat long senisim ol sain long Madang.

InterOil i salim daun strim bisnis olsem Napa Napa Okrud wel rifaineri na ol distribusen bisnis bilong en i go long Singapore kampani, Puma Energy.

Namba 13 edisen bilong Semba ov Mains niusleta i tok Puma Energy i baim long mak bilong US \$525.6 milien

InterOil nau i lukluk long plen bilong kamap namba tu LNG developa long kantri long eksptim ges i go long wol maket.

Puma Energy husat i distributim ol petroleum prodak long moa long 40 kantri i wok long putim nem bilong em long ol hap we InterOil i bin wok bisnis.

Long Madang Puma Energy i stretim ol sevis stesin na pentim kala bilong Puma Energy, ret na grin.

Profail megesin bilong Semba bilong Main i tok Puma i operetim bikpela bisnis long Australia, Saut Afrika na Yurop. Na i gat moa long 6,700 wokman na meri na i operetim 1,700 sevis stesin na moa long 60 teminel na wanpela krud oil rifaineri

Em i stat operet las yia na i kamapim planti wok long ol lokal manmeri na tu long ol ausait lain.

Ol bikpela seholda bilong Puma emTrafigura Beheer BV, wanpela kampani bilong Holan na Sonangol Holdings LDA, bilong kantri Angola.

Namba 5 Pasifik Tuna Foram i redi nau

I kam long pes 1...

Mis Welete Wararu, Eksekutiv Menesa bilong Provinsal Sapot na Industri Developmen, i tok ol rejistresen fi bai i go long INFOFISH olsem wei bilong ol i kisim mani, tasol olgeta sponsa mani bai stap wantaim NFA long ol i lukautim olgeta deliget bilong PNG na tu long lukluk long ol wok bilong holim foram long Fiji.

I gat wanbel agrimen i kamap pinis namel long Fiji na PNG long tupela kantri bai bungim mani na samting long holim dispela foram.

Ol provins bilong PNG husat i gat ol tuna pis bisnis na pektori bai salim Provinsal Fiseris Opisa i go. Em i tok, nau bai i no gat ol lain bilong entetenmen o mekim ol danis, pilai na singsing long mekim amamas ol deliget bikos Fiji i gat ol lain bilong ol yet i stap.

Menesing Dairekta, Kasu i tok NFA i gat baset bilong foram i stap pinis long mak bilong K800,000 i go K1milien long holim dispela foram.

NFA bai haia long wanpela bikpela Air Niugini balus long karim ol deliget wantaim ol nius lain i go long Fiji long Septemba.



InterOil sevis stesin long Madang taun i gat nupela tred mak bilong Puma Energy, nupela bot na sais i soim Puma i tekova long InterOil: Foto: Mathew Yakai



North Queensland Cowboys i winim Melbourne Storm 18-17 na tenkyu long golden fil go bilong Johnathan Thurston.

Johnathan Thurston i stilim gol we North Queensland i sapos long kikim na win egensim Melbourne. Long haf taim, sko i bin stap olsem 16-4 we ol Melbourne Storms i go pas, tasol long wanpela strong-pela na eksen pilai, ol Cowboy i bin winim ol Storm long wanpela poin na fainel sko em 18-17.

Blake Ferguson i kisim bagarap long leg na bai no inap pilai long 4-pela mun.

Blake Ferguson i no amamas na i tok em bai traim hat long kamap orait wantaim helpim bilong ol dokta, ol pilaia pren na ol sapota, na pilai gen. Dispela em i namba 4 gem bilong em bihain em i bin stap aut long pilai long 22 mun. Tim bilong em, Sydney Roosters' i bin winim Canberra long las Sande.



Brisbane Broncos i daunim New Zealand Warriors long win 24-16 long Auckland.

Ol Brisbane Broncos i bin bagarapim pati 20 krismas i go pinis, na ol i wokim gen taim ol i winim ol Warriors husat i bin pilai strong stret tasol, ol Broncos i bin winim ol 24-16 long NRL pilai long Auckland.



Perth Glory i winim Western Sydney Wanderers 3-2 na tenkyu long kik bilong Josh Risdon.

Difenda bilong Perth Glory em Josh Risdon i bin ran na givim gutpela kik na amamasim sait bilong em long winim West Sydney, 3-2 win long A-Lig pilai long Perth.



Sydney FC i winim Wellington Phoenix 3-0 na tenkyu long smatpela pilai bilong fes haf A-Lig.



Ol stori na poto i kam long ABC

IBS i winim Trukai Fun Run Oksen

Nicky Bernard i raitim

INSTITUT ov Binis Stadi (IBS) i go pas long baim planti ol Trukai Fun Run t/sot long Mosbi taim Trukai Industri wantaim PNGOC i bin kamapim wanpela Oksen long Lae na Pot Mosbi long dispela yia.

IBS em wanpela kolis we save baim Trukai Fun Run T/Sot olgeta yia, na em save kamap wantaim planti t/sot long givim long sampela skul insait long Pot Mosbi.

Trukai Industri wantaim PNGOC save wok bung wantaim long kamap dispela fan ran long ol bikpela taun insait long PNG. Dispela yia bai kamap olsem 16 yia olgeta Trukai wantaim PNGOC i kamapim dispela amamas ran

Olgeta mani ol kamap long ol t siot bai helpim Tim PNG long 2015 Pasifik Gems na Komanwelt Yut Gem long Apia, Samoa long Septemba dispela yia PNGOC i statim dispela

fan ran long 1983 long kamapim mani long helpim ol spot manmeri bilong Papua Niugini long go pilai long narapela hap.

Trukai bin kisim neming rait long 2000 taim ol bin kamap bikpela sponsa bilong dispela fan ran na ol i holim i kam inap nau.

Dispela bikpela amamas ron i save pulim ol manmeri na pikinini long ol bikpela taun insait long kantri na long yia i go pinis moa long 50,000 manmeri na pikinini bin stap insait long dispela amamas ran.

Dispela yia bai fun run bai kamap bihain tasol long opening seremoni bilong opim Pasifik Gems long namba 5 de bilong Mun Julai. Long dispela de tu bai lukim resis bilong triathlon we bai kamap bipo long ol i statim ran.

Ol bikpela taun olsem Lae, Goroka, Mt Hagen, Kavieng, Ramu, OK Tedi, Popondetta, Vanimo na Biala bai stap long dispela amamas ran.

Nicky Bernard i raitim

TUPELA Komanwelt gol medel wina kisim spot man na meri SP Spot Awod bilong 2014. Steven Kari i kisim bilong ol man na Dika Toua kisim bilong ol meri. Tupela i bin karim nem bilong PNG long winim gol medal long 2014 Komanwelt gem long Glasgo.

Long pipel sois awod em kepten bilong SP PNG Hunter Israil Eliab i kisim bilong ol man na tenis pilaia Abigail Tere-Apisa i kisim bilong ol meri.

NBC na Kundu 2 niusman Ephata Samuel i kisim spot ripot bilong yia taim em i resis wantaim narapela tupela ripot long kisim dispela awod.

Tim Moskito i kisim awod bilong tim bilong yia long winim pilai bilong ol long ovasis. Na gutpela spot man wantaim disabiliti i go long Elias Larry bilong paralempiks.

SP Bruri em bikpela sponsa bilong dispela awod olgeta long luksave long ol spot manmeri

insait long kantri long olgeta yia.

Planti spot manmeri bin salim nominasen bilong ol go insait long resis tasol ol makim tripela husat i go insait long fainelist bilong wan wan katogori. Na i bin 12 katogori we ol spot manmeri i resis long en bilong 2014.

Stiwen Kari na Tika Toua wantaim awod bilong ol.



Kari na Toua kisim pilaia bilong yia

SP sapotim Digicel kap

Nicky Bernard i raitim

SAUT Pasifik Bruri i kamap wanpela sponsa gen bilong Digicel Kap long dispela yia taim ol tokaut long mani mak bilong K250,000 long helpim Digicel long kamapim bikpela ragbi lig resis.

SP Bruri i save helpim spot insait long PNG na dispela yia em i kam gut gen long helpim semi profesenel ragbi lig pilai insait long Papua Niugini.

Digicel Kap em wanpela long bikpela ragbi lig resis i

save kamap olgeta yia na Digicel PNG i go pas long bikpela sponsa gen bilong dispela yia.

Bai 11-pela frensais tim i resis dispela yia wantaim sampela nupela tim olsem Jiwaka. Ol bai traim long kisim wanpela spes sapos ol i bihainim olgeta lo bilong PNGNRL wankain tu long tupela tim bilong Sentral.

Pilai bai stat long Epril 19 na ol dispela 7-pela taun tu bai lukautim pilai em long, Rabaul, Mendi, Wabag, Mt Hagen, Lae, Goroka na Jiwaka.



KISIM LUKSAVE: Dika Toua i kisim luksave long Kwin na Gavana Jenerel bilong Papua Niugini Sir Michael Ogio i givim em dispela awod long Gavman Haus long las wik Fonde. Dika tu i winim pilaia bilong yia long ol meri long SP Spot Awod. Foto: Nicky Bernard.

Madang FC mas strongim banis egensim POM FC

James G. Kila i raitim

LAIWADEN pilai graun long Madang taun bai lukim planti soka sapota long Sarere taim fevered tim bilong provins Madang Futbol Klab i salensim POM FC.

Madang FC long las tupela wiken i go pinis i bin go daun long Lae City Dwellers 2-3, na dispela wiken ol i mas pulim soks bilong ol long daunim POM FC long asples bilong ol long Laiwad.

Planti ol strongpela sapota bilong soka long Madang i tok olsem Madang i mas pilai strong na daunim ol boi bilong bikpela siti.

POM FC aninit long kosa na foma

intanesinol pilaia Reginald Davana i gat ol strongpela gutpela lain bilong pilai olsem kepten na PNG pilaia Cyril Muta, tupela yangpela stail pilaia olsem Lam Vincent long midfil na beklain em boi Madang yet Aryan Yagas i bosim.

Dispela strongpela gem long Madang tu bai lukim pikinini-man bilong Madang yet, Neill Hans i soim stail bilong em egensim ol brata bilong em.

Madang FC i gat ol gutpela spit-man olsem Vanya Malagian long rait wing na tu ol arapela olsem Alwyn Komo-long na kepten Max Sengum long midfil long redim rot bilong pawa straika olsem Samuel Kini na Sammy Hiob

long skorim gol, tasol ol i mas yusim tupela gut.

Dispela em namba wan yia bilong Madang FC long stap insait long Nesenel Soka Lig (NSL) na planti strongpela sapot na bilip i stap long ol pipel bilong Madang long ol boi bilong ol i mas wokim samting stret.

Laiwaden pilai graun na pulap stret long Sarere bikos Madang FC em tim bilong Madang stret em Madang provinsal gavman i sponsa long en na olgeta sapot bilong tim i kam long olgeta kona bilong provins stat long Bogia, i go antap long maunten bilong Usino-Bundi i go daun long Raikos na ol ailan bilong Sumkar na Madang distrik wantaim.



Madang FC mas redi gut long daunim POM FC long Laiwad en pilai graun long Madang. Foto: James G. Kila

Dika Toua i sekim bodi

Reuben Tabel i raitim

GOL medol wina long weit lifting long Komonwel na Olimpik Gems, Dika Toua i bin go long Pacifk Intanesel haus sik long dokta i sekim masel na join long bodi bilong em long nupela skening masin bipo long Pasifik Gems long Julai 4.

Dika Toua i bin go wantaim Sir John Darwanincura, em bikman husat i go pas long Olimpik Komiti na tu Pasifik Gems. Sir Darwanincura i tok Olimpik Komiti i laik wok bung wantaim Pasifik Intanesel Haus sik bikos ol gat ol gutpela nupela na strongpela masin we bai soim gut ol sik insait long bodi bilong ol atlit.

Sir Darwanincura tok olsem PIH wantaim Olimpik Komiti i bin kamap wantaim agrimen long wok bung wantaim long helpim na sapotim Tim PNG long wanem bagarap we ol pilai painim long taim Pasifik Gems na bihain.

Em i tok tu olsem toktok namel long ol na PIH i wok long go yet long helpim na strongim ol pilai bilong PNG long kampa strong na fit long pilai long Pasifik Gems.

Em tok tu olsem ol bai wok wantaim ol tim dokta na sapos bagarap i bikipela, bai ol i kisim ol go long yusim ol nupela masin na ol samting bilong PIH.

Mis Toua i tok olsem em i kam long kisim MRI sken long sekim ol masel, na ol join bilong em long painim sapos em i gat bagarap or no gat bipo lo stat bilong Pafisik games long Julai.

Mis Toua i tok to olsem em i bin apim planti weit long yia i

PIH medikal opisa mekim klia rot we masin i save wok.



go pinis na nau long ol trenings bilong em na em laik sekim em yet na kisim tritmen sapos i gat bagarap bipo long bikipela pilai i stat.

Em tok tu olsem gavman i bin putim planti mani long spots long kantri na em i laik apim nem bilong kantri na mekim gavman i amamas.

Joe Samenta husat i Pablik Rilisen na Makeing opisa bilong PIH i tok PIH i bin wok wantaim gavman na Pasifik Gems Komiti long kamapim gutpela agrimen long helpim ol pilai bilong Tim PNG long Pasifik Gems long kisim gutpela helpim taim ol i kisim bagarap long taim bilong pilai.

Mista Samenta i tok tu olsem PIH i sanap redi long wok wantaim T PNG na gavman long givim gutpela medikel sevis i go long ol pilai husait i kisim bagarap.

Em tok long sait bilong ol medikel fi ol bai givim daun long ol pilai bilong Tim PNG bikos long agrimen ol gat wantaim Olimpik komitia.

Mista Samenta i tok MRA (Magnetic Resonance Imaging) masin em i wanpela nupela masin long kantri na Pot Mosbi na em is save yusim wanpela strongpela magnet i save salim ol redio wev we i save sekim gut ol sel insait long bodi na painim out sik, na bagarap I hait insait lond bodi.

Pasifik Gems seling bot resis

PASIFIK gems komiti i tokaut olsem ples ol makim bilong seling bot resis long Gabutu bai i no inap kam long hap.

Dispela em bikos ol Komiti bilong ples bilong pilai infrastraksa na i kwipmen i tok olsem Gabutu i no mitim sampela intanesenel federe-sen stendet.

Long yia 2012 ol VIEC komiti bin i kam karim wok painim out bilong seling bot insait long Pot Mosbi na ol i makim Gabutu.

Las yia ol i kam bek gen na lukluk long dispela hap ol i makim pastaim bilong seling bot resis.

Nau long dispela yia, ol i kam bek

gen na mekim wok painim aut na i tok olsem Gabutu no mitim intene-sel federesen stendet.

Long dispela as ol GOC o lain i go pas long Pasifik Gem long PNG i mas painim narapela hap long kamapim pilai bilong seling insait long Julai Pasifik Gems.

Man i go pas long Pasifik Gems Komiti, Peter Stewart, i tok olsem ol komiti bilong em i bilip olsem ol bai i painim narapela hap bilong selim bot resis hariap tru bipo long stat bilong gems long Julai.

"Gabutu em i wanpela gutpela hap stret tasol bai ol i no inap yusim long 2015 Pasifik Gems," em i tok.

Oil Search Pasifik Gems rilei i stat long Vanimo

OIL Search Pasifik Gems rilei Baton i Lusim Vanimo na i skruim gen wokabaut i go antap long Telefomin.

Wantaim sapot bilong Frieda Riva Main 5-pela balus wantaim 3 pela helikopta i Lusim Vanimo na flai go antap long Telefomin taun.

Antap long Telefomin ol man meri, skul pikinini wantaim ol wokman meri bilong gavman i tok welkam ilong Pasifik Gems baton wantaim pasin tumbuna, singsing na danis.

Pasifik Gems baton Lusim Telefomin na go long Nuku we planti man meri i redi na kisim ol rilei tim.

Ol man meri i amamas tru bikos em nupela taim bilong dispela kain samting i kamap long ples bilong ol.

Long Nuku, baton i ran wan-

Ol manmeri i amamas long holim Pafisik gems baton taim em raun long Vanimo. Foto: MadNESS Photography



taim ol man meri inap long 8 pela kilomita na i Lusim Nuku na i go gen long Lumi distrik.

Bihain bai rilei tim i Lusim Lumi na i go antap long Wutung boda pos.



SP HUNTERS

now on **tvwan**

Purchase a Digicel Play Box today K169 and get front row seats to all the action

WWW.TVWAN.COM.PG

available on **Digicel play**

Ol wiken spot long poto



- 1 Pilaia bilong NAQIA i ran wantaim bal long traim abrusim BSP pilai long Pot Mosbi tas resis long Mari Bareks pilai graun.
- 2 MI TRAIM TASOL BAI GO O? Eddie Kiso i gat 9-pela krismas bilong Mari Bareks bouling klap i wok long traim han bilong em taim em pilai wantaim ol bikman. Eddie i wok long mekim ol sapota bilong em i kam laip long Mari Bareks boling klap.
- 3 Steven Kari wantaim awod bilong em i sanap wantaim biknem ragbi man, Mal Meninga, na bikman bilong SP Bruri.
- 4 Tim Binatang wantaim Awod bilong tim bilong yia long SP Spot Awod.
- 5 Ephata Samuel i kisim Awod long ripota bilong yia.

Ol poto: Nicky Bernard





IMPROVED TASTE! Niupela teist wantaim planti mit na oil. Teistim na bai yu laikim moa yet.

DIANA Tuna



Emi tuna
bilong PNG

PROUDLY
PNG
MADE

Manufactured by



RD Tuna Canners Ltd.

Moa mit na
oil insait



TUNA IN OIL

Bihain taim PNG Hunters

Planti long ol liklik mangi olsem i gat tingting long mekim nem bilong ol bihain taim long Hunters na PNG Kumuls. Olsem na wanem liklik hap kona ol lukim i gutpela long pilai ragbi ol bai yusim long pilai. Dispela ol liklik mangi long Gerehu i lukim gutpela gras bilong pilai ragbi takol na ol mekim save long pilai. Planti bilong ol i gat tingting long mekim nem bihain.
Poto na Stori Nicky Bernard



INSAIT

Dika Toua
i sekim
bodi



...Pes 26

SP
sapotim
Digicel
kap

...Pes 25

Senisim long Sensi

Next time you change your
baby, change to Sensi Diapers.

Good Products, Better Prices, ikam long



Johnstons Pharmacies Ltd

P.O.Box 1066, Boroko, Papua New Guinea.

Tel +675 325 3185 Fax +675 325 0190 Email sales@johnstons.com.pg